周

易

注

昔羑里呃而演卦驚洙泗老而制象象為易傳權與尚矣厥後師 蒙求 者多覩攀議則 藏於心見玄文則 眩於目。固不能以高深之 獨到見或片詞居其要或偶得抒其懷卷帙浩繁意見紛出學者 弟相承。由漢而來說易者二 周易註序 吾祖愁愼公所為有易理匯參之作歟然而今昔殊勢專經者尠 **電低以經傳終歸散佚者尚不屬焉考其立說或成一** 欲盡採厥微誠有白首不能窮一 採眾意而不立門戸之見孕精思而不爲膚淺之談路合經言。 **於隱廋之詞責後學以神會也。因材設教計惟節其文而簡其既** 取實則日用事為之理寓其中明以示人。財子 百餘家商瞿橋庇之徒施孟梁邱之 經之慨不有匯歸何從致力此 家言或有

覺其專列卦爻不著象象乃尊經也詳於此應參以互重乃辨 嗣香學士之周易莊乎周易注之稿,庋藏吾家久矣嘗讀而釋之 物之道無不貫夫然後學不費時解不費解知此旨者其天津李 也家象本以釋經既師其意自無庸更贅其詞比應互重旣辨其 履蹇紊艮比觀蠱賁大畜家人隨否明夷歸妹諸說頗有通於詩 悔亡。明夷之三日不食,與之得臣無家革之革言三就有字。遯之 **書**者論比之互坤。蒙之六五、履之武人為于大君節之苦節貞 勿用有攸往明夷用拯馬壯吉固易註之邃於史者他如三 一外而証之經史百家如所註无妄損訟家人願中孚履遯晉度 所註坤蒙訟比謙隨蠱大壯剝大畜頤旣濟坎諸說頗有通於 桂 前 一爻之義皆有著落故就本經而言莫不扼要而會通

一義諸子妙緒亦多囊括又或参詳論孟以樹入聖之基推演性理 者 當借逕於 易註乃可進而求之匯參二書並世相得益彰碑益 難遇也以今方古爭有相侔稽其高誼不讓前賢今家君將續先 半功倍耶慤慎公夙嘉許之以未得刊行爲憾僅掇其十六卦說 以示修省之涂綜核全書眾美悉備治易之士取而研索得非事 附匯參以示 士林,豈淺鮮哉昔文公治詩,兼資呂氏。武子傳禮取益康成則益 **友之堪師也。征南釋傳見重擊虞。少府纂修。知名王濟則知音之 志刋布其晝明恩不敏忝預校讎。** 乙忱云尔太歲單蒙大淵献仲冬丙子朔至德周明恩 注 | | | | | | | | 一斑。夫匯參者所以極其博易註者所以致其精學 一得之愚弁誻簡端用志景仰

周易注卷上 三乾乾上 生於一。道之大原出於天也乾坤次雕震艮巽兌皆三畫卦名 重之謂之八純卦故仍其名。 由是陰陽變化而生八卦。上下交錯而生六十四卦六十四卦 則三哉二生三易究天地之原立三才之道故三輩以成一卦 者數之始**晝**之奇也天一而地效之則二。故一生二以一合二 不以形也天者陽之宗物莫先焉物莫大焉故畫一以象之。 易不曰天而日乾者以形言則曰天以道言則曰乾法天以道 乾健也天之象也詩日維天之命於穆不己天之所以爲健也 易性人会上 天津李士釤著

乾元亨利貞 常所以爲正成又訓正乾體健有常萬物以正故與而能幹事 也元於四時爲賽亨爲夏利爲秋貞爲冬四序迭選所以爲天 貞者事之幹能幹事者必固哉訓固固則常故亦訓常不失其 爲陽氣布瓊萬物咸通故亨而嘉會也利者義之和和則宜故 食 那會則通故訓通乾交坤而成六十四卦六十四卦皆乾所 之長故訓始始无不善故一訓善始則大战又訓大萬物資始 而不得執一時以爲天也元於五常爲仁亨爲體利爲義貞爲 **訓宜宜則遂故又削遂乾道无不宜物无不遂故利而和義也** 此文王所繫之熊謂之彖解爻下所繫之熊謂之爻熊元者善 天之所以爲一大也或有生之本故元而爲善長也亨者嘉之

初九潛龍勿用 **髳之故爻皆稱龍假象以示人也潛藏也初二雨爻於三才爲** 見諸施行也陽之道無不可用特當陽氣初生伏臟在下且須 地道。初在地下。隱藏未出故稱潛龍用以也勿用者未可以此 **所為吉若坤象則有吉矣。** 亨利貞謂之德所謂天變而人茲之也吉凶悔吝謂之占所謂 以養其英華珠玉潛於山川以養其光米。潛而勿用養其陽也 **晦養以俟時故勿用也人物酒於夜以養其精神草木潛於冬** 龍鱗蟲之長也乾之爲道無所不達靈妙變化不可測度而龍 信智在其中。五常分布所以爲道而不得執一端以爲道也元 人行而天應之也或不言吉凶者天道至大。固無所爲凶亦無 1112W / 111

九二見龍在田利見大人 息深則達產不翕聚則不發生。今日之潛正他日見飛之本耳 所以定一卦之位也凡爻皆兼時與位言之。初上不言一六者 言和則知上爲終所以定一卦之時也上爻言上則知初爲下。 凡言勿用利見及吉凶悔吝旡街皆占熊而理與象寓焉初爻 大人舜以陶漁耕稼之身致天下土孔子以匹夫化三千人聖 **初不及位。上過乎位也。** 剛健得中。無君位而有君德德已顯著天下皆利見之故利見 人出見莫不以得見爲幸。所以受其藥陶資其效益其利普矣 ||居地道之上,地上爲田陽德方著故見龍在田見出見也] 非君位而言大人猶孔子之稱素王也。

九三君子終日乾乾夕惕若厲无符 九四或躍在淵无咎 矣属危也咎尤也過也凡言无咎者宜有咎者也 謹持於天人絕續之交防閑於出入變動之影雖有危而無咎 陽慮其將晦行慮其將息君子能无懼乎。然惟因時而懼故能 間是絕續之交也對至三而將變是變動之地也而位又過中 乾爲天道三爲人位是天人之際危徼之界也處兩乾相行之 **猶惕則乾乾不息无時不在戒懼之中。此朱儒常惺惺法也葢** 放乾乾此日已終故夕。乾爲敬故楊若若鮮也惕懼也光至夕 故稱君子。天之行一日一周下卦之或已然故終日承乾行或 三於三才爲人道故此交獨不言龍而言人有斷德而居人道。

九五飛龍在天利見大人 審愼而後進雖不中正而亦无咎。 位所謂高其位而下其施臧其形而見其光四海仰之萬物賴 於天下。故稱飛龍五於三才爲天道故稱在天有天德而居天 天而在淵然龍得水而變化能在淵所以能在天也得所憑藉 淵之象陽道進而上行乃值陰位而處乾下。故不飛而雖不在 之凡有血氣莫不尊親此天下所利見之大人也故利見大人 九五剛健中正居一卦之尊陽道至此足以變化飛騰施其澤 四震交亦雕之象淵囘水也。上卦之下故象淵又乾爲大川亦 九四不中不正故稱或或疑辭也屬起也出下卦就上卦也尤 オラチ

用九見羣龍无首吉 有一爻之時道之所以貴時也。 謂過何所謂悔其所以過而有悔者特於用處見之耳陽極盛 上九過剛而不在位无助无應故亢龍有悔亢極也悔恨也易 易鳴爻用九陰爻用六故於乾坤二卦發其凡而聚之占也陽 而无端心事變通而盡利易之道也六爻減是一爻六陽祇是 則生陰。龍旣飛則思濟上九之終則將返於初九矣天道循環 之无一。陽氣普徧所謂一元者隱於其中而不可見故取象於 之畫一。以一函三一枚一 一腸避爻而變其位。故隨時而爲之占。一卦有一卦之時。一爻 生三二生九九老陽之數好之皆一。合

以天之道分蓍於四時四時不名天无在非天之道也乾之元 首所謂聖人不自用而用羣賢易不自用而用羣龍故吉也是 發揮於六爻六爻不名元无在非元之用也聖人之治好任於 **羣龍无首陽故稱龍乾元用九羣龍並見而无爲之首者故**无 也 加則爲十十又爲一。故九者陽數之盛而不可週週則又爲一。 羣臣聖人无名无在非聖人之功也吉可知矣又九筅也尤再 所謂終即始也陽之道循環无端反復不己惟无所終故无所 始老子日迎之不見其首。隨之不見其後。此所以用九而无首 **易**注 ■卷上

三三坤坤上 喪朋安貞吉 坤元亨利牝馬之貞君子有攸往先述後得主利西南得朋東北 陽極陰生或流坤形,坤凝乾元而生萬物故元陰者陽之所生 地能翕之改乾之元,坤能有之或者氣之始坤則形之始也故 地者天之所生陽生陰而陽之德陰能合之天生地而天之氣 以天地成列而萬物生陰陽相索而六子出也。 訓順也諸卦本乾坤。坤本於乾乾爲一。坤效之兩一即一。然則 坤耆乾之所變化非兩物也坤法乾改配乾地順天故配天所 坤順也地之象也非健無以爲天非順無以爲地地道順天故 兀陰陽通而品物寬故亨。柔以濟剛故利或爲馬坤配乾故種 主一人公上

健而外順是以有所往也陰性暗昧故迷陰從陽故以陽爲主 健者陽之體坤順者陽之用君子效乾而法坤或天而履地內 坤位為陰西兒南醮亦陰其對東北艮位為陽東震北坎亦陽 以陽爲君陽以陰爲朋陽奇陰耦奇君之象耦朋之象也西南 也順而從屬故有仗往伐所也屬爲君子。而坤亦言君子者或 馬有承陽之義以順而行其健故牝馬之貞所謂安靜以致遠 **故西南則得朋東北則喪朋坤喪陰朋而從乎陽猶臣去朋黨** 主醫之道不有得於先而有得於後當得主而不能爲主也陰 主主人也坤有終而无始不唱而能和故其先雖述而後則得 化馬牝雌也行天莫如龍行地莫如馬改乾穪龍坤稱馬也牝 而以事君婦捨所親而以事夫道之正陰之利也坤之道安靜

六二直方大不習无不利 初六履霜堅冰至 水。坤值建亥之月亦爲水正見陰陽合德之義。 陰氣一凝不可為也或為外而坤稱水者或當成亥之地故為 此而往陰氣日隆堅水必至冰水之結也堅固也此言防陰氣 者當防之於早若履霜之時,則堅冰至矣。陰氣方生遏之猶易 初六在下為履陰氣方盛故象履霜霜喪也陽氣喪則霜降。自 坤效之。故草木之生、無不直者是其緣也地隨天而圓而稱方 正固故安貞吉 者地隨處皆有四方故稱方也天為大惟地配天故稱大也 坤動則剛故直地勢分布故方地道无疆故大。直者乾之德而

六三合章可貞或從王事无成有終 方成大習重也對重爲習坤王於重卦則靜而兼動下而上出 之則成體之大。六二中正得地之道承天之德故因直成方因 學有所謂幾面體者非幾之直不能成面之方。因面之方而積 高下相飛險易各見有利有不利矣六二地居地位平直光大 六三陰居陽位陰中有陽故含章章文也陰陽雜而成章也有 由此而生萬德由此而立不必因習目无不利也又地勢重則 可以利於天下二隱於地若无所利。不知六二地道正巾萬物 無重複之象故无不利 解美文本足以外見而其時則猶可固守之也陽爲王陰當從 文章之美而位不中正,且須含之待時而發含懷也可僅可之 江一人关

六四括囊无咎无譽 實而晦於身則无炫才之患或括囊者防其有咎並防其有聲 括真囊之中必有物而閉其口則无漫藏之憂四本有可見之 **一 敬下不見地。上不見天。處此昏黯之際雖有才華。不敢自見故** 之括之象。括結也四已出下卦。而位不得中。上下兩坤。重陰鄧 坤主受又為布囊之象陽闢陰圖下卦爲囊四處囊上自外閉 之天五則地以十終之是以陽倡而陰和君逸而臣勞也。 終者代陽而終其事也乾爲大始坤爲大終天一則地以六終 皆君之德臣不過從之而已功皆賜之功陰不過順之而已有 陽五為王位:三爲公位。公當從王 故或從王事或疑解三不中

也慎密如是咎與譽可以无矣四惟无譽四之所以无咎也。 注 《 危」

六五黄裳元吉 道故二亦稱君坤純臣道故五亦爲臣以五之尊位而居身之 地色黄五得中居尊故有黄之正色坤爲裳裳下衣也乾純君 下體上配乎乾以成章身之美猶臣配乎君以致事業之隆此

上六龍戰于野其血玄黃 柔順之美德。中和之極則也故元吉乾元託體於五六五以坤 之美聚乾之元。猶地函天之氣月借日之光臣成君之功也。

邑之外謂之野。上不在位。而呂地之遠處與天相連改象野蓋 六陰盛已極不下乎陽反欲祓陽不使之出兩相爭覷故戰郊 上六陰極生陽。故稱龍陰之道可以配陽陰之盛幾欲抗陽上

用六利豕貞 以陰消陽。上六則陽來伐陰陰不足以敵陽故傷而出血見爲 **象艺天色居天位上故玄黃地色坤為地故黃易窮則變初六** 戰者言陽來伐之不與陰之敵陽猶臣之不可以敵君也血陰 位之上。地侵及天。故天上之物下與之關也不言戰龍而言龍 陰陽相函陰盡則見陽天地相接地上即爲天而上六又居天 戟戟出於一。 坤終以六萬事萬物出於乾之一。 莫不終於坤之 陽主進陰主退故陽不用七而用九陰不用八而用六坤道承 六用六者陰之正道所以順乾元而終其用也乾之一所謂元 天地之雜色也。 推極於九則不見其元而无往非元也坤之一所謂貞推極於 主 一个 经上 丞

徑一 六則无時非負也故利豕貞豕久也或用九以无首爲大始坤 以一而有九重也坤之體方以遞加之法推之則二進爲四四 用六以豕貞為大終惟无始故為大始惟終乾故為大終凡數 皆生於奇而成於耦物皆生於陽而成於陰也又乾之體圓以 進爲六六即一畫之究竟故地以一而分六字也又卦立於| 兩地之謂故九六者自然之數也。 數凡五天一天三天五合而爲九地二地四合而爲六亦參天 三其三則九兩其三則六所謂參天兩地而倚數也天地之生 一圍三之法推之則一生三三生九九即一立之究竟故天

屯元亨利貞勿用有攸往利建侯 地震下 亦屯之象。動而遇險。故難而屯。動乎險中。動而未洩氣無不充 惟難故盈鬘木初生而遇坎敞屯之象又坎雨躩雷充滿宇宙 屯難也又盈也屯象草木之初生生氣盈滿而鬱結未通故難 坎得乾之中爻**整得乾之**羽爻。一五相應,羽陽始生生人之始 固憂患之書與。 之所以繼乾坤也犬生之始爲屯所謂人生於憂患也然則易 交生人之始也。上卦爲坎坎得乾之中畫即後天之乾也此屯 三才。而屯實象人道之始蓋下卦為篾躩一來而得男刚柔始

初九磐桓利居貞利建侯 在建立也侯諸侯初爻震爲諸侯九五之君欲以濟難利用此 磐桓陽剛得正故利居貞當屯之初居位之下。欲行而不敢行 **磐桓旋也遲遲不進之意隱起而遇五卦之艮止。上畏坎險故** 治世之初故元盈為盛大,剛柔交通故亨。陰陽相齊生氣勃然 **狉榛之世即得此意** 其所主者而天下治矣此封建所自昉也柳子厚謂封建始工 鴻濛肇造之時。分治則理獨治則難王者無利天下之心各付 **陽剛之才。建以爲侯。互坤爲土爲民有土有民裂土封侯之象** 之四德所謂天工人代之也震動爲往。上遇坎晚故勿用有攸 而二五得正故利而貞坎爲乾之後天震爲乾之長子。故有乾

一八二屯如適如乘馬班如匪笼婚媾女子貞不字十年乃字 六二陰柔。正應在五而畏坎險故屯如乘初之剛則又不安故 說磐桓猶柱石艮爲石震爲木。故象磐桓。止而不動是以居貞 焉君子下於民而四方歸焉·初非侯位而有侯道故利建之。**一** 利建侯初九霞主爱驚百里諸侯之象而以陽下陰陰順應之 **邅如如挺議之熊邅如難行不進之鴉寢爲馬作足]一乘初故** 而有建侯之象然玩爻傳仍以訓旋爲是。 故利建侯又上承互地有土有民之象江海下於水而百川赴 乘馬班如班旋不進也坎為寇一畏險不進疑其為寇然二與 五陰陽正應故匪寇而婚媾匪非也婚配也重婚日媾互坤為 易 住 人卷上

|六三||即鹿无虞惟入于林中君子幾不如舍往吝| 陰柔不敢輕進故久而後合半年天地之合數之終也對屯必 爲腹,有姙娠象。一近於初以柔乘剛非陰陽之正不能成生育 之功故不字。反而從五得其正應陰陽相台战乃字乃難解也 女六二雕爻亦爲女陰得中正故貞字生也猶姙娠也坤爲母 須剛健之才。卦中四陰皆須資賜以濟。三上无應故不濟。一 有應故濟。然二有應屬之美又有乘陽之過故四易而二難也 入於林中震爲木坎亦爲木二木林之象以爲陷陷於坎下故 為迷而乘承與應又皆陰爻故无虞人導之至山以捕獸故惟 即就也互艮爲山山足爲鹿虞虞人掌禽獸者六三陰交爲虚 入三人道故稱君子幾讀作機弩牙也所以取禽獸者坎爲弓 四

六四乘馬班如求婚媾往吉无不利 止而自全所以事實量力也 吉矣或謂初當水四女无先男之禮不知良禽擇木。良臣學上 蓋三雖有濟屯之心而不得陽爲之主則陰迷而不能濟不如 詩曰求我庶士豈洛奔之謂乎草脉之世急於水質正其知也 不利益大四承九五之陽而能下得賢才以人事君則難平而 陽在下,其婚媾也四水得之陰陽相濟可以有爲故往吉而无 四居近臣之位。而才弱不足濟難必求陽剛之才以爲之則初 四在震馬之上。故乘馬陰柔不行故班如與初正應故稱婚媾 至於凶而鄰於凶故可惜也。一說幾者見幾也見幾而舍去之 矢故象機獵非其所必无所得。不如舍之以往則吝吝惜也不

上六乘馬班如泣血連如 九五屯其膏小貞吉大貞凶 災故凶坎水小則宜聚大則宜洩此定理也 陰爲小小者臣之象臣下不專施與故正固而吉陽爲大大者 **坎雨為齊冱艮為止。止於天上** 則不安其位出則无所之故乘馬班如近血連如坎為馬上在 **粟敤紂以之叢怨府。武王以之得民心爲君者可斂而不散哉** 君之象為君而膏澤不下於民則正固而凶鹿臺之財鉅橋之 上六居險之極而陰柔失位不能濟難又在五上以陰乘陽處 又屯之於小。所以裕其源而蓄其勢故吉屯之於大則盈滿爲 五上故乘馬坎爲血爲加屬上偶遭象口之開故泣運泣貌 出版を |而不下施充滿蓄聚故屯其膏

蒙亨匪我求童蒙童蒙求我初筮告再三瀆瀆則不告利貞 心衡於慮而後作徵於色發於聲而後喻先儒日大疑大悟小 者何所該乎 作之師。聖人所以繼天地而起也又屯長男中男卦蒙中男少 遇險而止。止而不通亦蒙之象。卦繼屯屯君道蒙師道作之君 蒙萌也。物之稺也。物之始生。蒙蒙然若无所知故亦訓昧也坎 三蒙坎下 水在艮山內源泉始出為山所覆不知所適蒙之象艮止坎險 男卦。乾坤開闢而後。天地盡以其事付之三男矣。有世道之声 二五交陰陽通故亨。孔子曰不慎不啟不悱不發孟子曰因於 小悟不疑不悟此蒙之所以亨也童蒙謂五艮爲少男故

所謂禮聞來學不聞往教也師嚴然後道尊君子不屈已而徇 開五之蒙。二五正應五求於二而二吿之匪二求五乃五求一 陰性暗昧故蒙我二自謂也二、陽交陽明陰暗陽開陰圖故能 筮也以爲黃棘而得中氣蓍之象故筮詩云、我龜旣厭不我告 人。雖天子不可召而致者重道故也發不欲煩數初筮則告再 以聽所以告也三為次為再签四為艮為三筮皆非正應故不 象。一 互震之初爻五歷四三以至二。所謂初筮求之專一虚已 猶即 演則不告之義震初索。初筮之象坎再索,艮三案,再三之 告天鏡不疲於屢照鐘不瘖於頻叩然而有不告者非吝也蓄 三則嫌其續續發也資則不告恐褻道也告示也筮問也即占 極求通。一言頓解若凟至再三是內未嘗求於心。而外又不甚

一初六發蒙利用刑人用說桎梏以往各 甲不自解待雷雨解之。人之蒙不自說待人說之故當安靜潛 **蔽之。人之初生。蒙无所知。亦若有蔽之者故取象於桎梏术之** 穿术震足艮手互與坎連桎梏之象物生必蒙改果木有甲芩 解其蒙開其蔽以說桎梏术在手曰桎在足曰梏說即脫坎爲 文王是也人指二。初近承二。二陽爻為賢人成利用取法於二 初爲發處坎之下。象泉始出故發蒙坎爲刑刑法也詩日儀刑 不清則流必濁基不固則屋易傾養蒙之道必出於正而不以 所謂不屑之教誨是亦教誨也。一五正應專一而和故利貞源 相信也故不告以俟之舉一隅不以三隅反則不復殺之道也。 一絲之不正干之所以燈其源端其本也

九二包蒙吉納婦吉子克家 以陽容陰男貴女賤而以男取女是以陰陽和夫婦順而家道 成矣。故言二三重爲爲長子。長子代父二,稱家克能也言婦知其 教包蒙之謂也量能包則能納故言納婦婦指初陽尊陰卑而 以是心至斯受之而已故雖互鄉童子。墨者夷之未嘗棄而不 也吉可知矣孔子曰自行束脩以上吾未嘗無誨焉孟子曰苟 賢愚就範焉葢人之類萬不齊而自聖人視之无不可教之人 容之也天地之量无不包故萬物並生焉聖人之量无不包故 養聽教於八不可前往往則吝。 无畛域之分門戸之見此吾道所以爲大而天下皆歸於聖人 二以陽包陰故包蒙包容也一以陽剛來居下體以即乎陰而 12 | 第二

| 六三勿用取女見金夫不有躬无攸利 金夫謂一一一陽爻陽貴故稱金犬離爲目故見坤身稱躬二在 比於二。上雖其應而无位。一與之比而得時得時則貴三貪而 卦中亦爲躬陰虛故不有六三不中不正本與上爲正應而近 互坤、稱女、六三兒爻為少女。勿用取女者。勿以此爻而取女也。 包作虎。文也長爲山。二至五五大離。山下有火處然也 勝父母之委任。聖人包蒙則能教世不負天之所付託矣。一說 人而聖人代之故聖人者天之宗子也子納婦則能成家可以 父有母之象故子起而治家也父不治家而子代之天不能教 有如言子知其有親二爲五之子五爲二之親而五爲坤爻无 **暱之。而以陰乘陽叉非夫婦之正道。故不有躬屯二、體震故終** 五 一 一 191

六四困蒙吝 正故不負也此淫貪之女。不惟取者不利。而女之見利敗貞者。 終亦何利焉詩日吁嗟女母。无與士耽此之謂也三獨不言蒙 往而應五。蒙三體坎故遂陷而不出屯二中正故貞蒙三不中 蒙而吝澤水爲困。山下之水亦有困意六四象坎水之已出而 攸利則亦教之矣 **档乘啺應陽不可謂蒙不中不正又不足以教也然告之日无** 六四陰柔不中。獨遠於陽。上不應上下不應二。無人開發故困 六四一爻得正而獨遠於陽遂至於困可見美質之不足恃而 居坤之中艮之下。土塞其中石揜其上泉水安得不困乎。卦惟 賢師友當巫求也 を一人え

八五重蒙吉 上九擊蒙不利爲寇利禦寇 早教諭也。 蒙一剛得中故包上剛過中故擊青日敬敷五敎在寬上之 艮手為擊居蒙之極而其用剛成擊之卦中一陽皆足開陰之 則就外傅孔子曰少成若天性習慣如自然天真未鑿之時當 而言易入又養蒙當在童年古人生子。能食能言而教之,十年 莫已若者亡战殷宗學於傅說周王訪於箕子。正不嫌以尊位 艮少男為童六五柔順居尊貴而不騎。舜靜專一。承上以聽於 而聽於下。取象於童者純一未發如童子之聽於人。則教易行 二故吉學問之道。天子與庶民共之書日能自得師者玉謂人

尼 意一也。 人之侵爲樂寇寇以邪擊正也樂寇以正擊邪也坎爲寇自初 爲止故能止之艮爲羆靜故足以制動艮又爲山有登高禦下 在上二一陰順從順而相保能禦人之為寇故利樂寇樂止也是 至五又互爲師。上剛而失位不可爲寇於人故不利爲寇。一陽 詩書禮樂教之正也斧鉞甲兵教之變也其所以勉人爲善之 固不如二之包然因蒙極而出于擊亦不得已也侵人為寇防 之象亦有嬰城目固之象蒙之終而言禦寇者刑以弼教之義 **1**

三需数上

一需有学光亨真吉利涉大川 **峰。但徐待之可也卦與夬似同而實異澤水在天上聚而不洩** 乾健不陷, 語之道也其象為水在天上層兩雖未即施終亦必 養所以需也 故夬。坎水在天上。流而不息故需需又<u>訓養</u>坎有養意優游涵 需須也待也或行在內外遇坎險不可遠進故無雖遇坎險而

引 苟無其實何需之有因循姑息之爲非暢道也五得中而在 有相字之實也尤五剛中有可需之實而時尚未至所以用憲 則渠自成也坎爲字天一生水。坎乾同應是以有字有字者中 **学信也、雨在天上、需之必降。其信不失如瓜熟則蒂自落。水到** 主一学会员

道寓焉, 宅心廣大規模宏遠於以通天下之志於以正四海之人優游 象得中得正而不陷。故真而言事讓於操切。政敗於苟且故王 不廹此需之所以利涉也涉川亦要事故占屢及之而濟難之 陷何不利之有渡水之道當安靜以俟時濟難之方貴從容而 大川乾天當升故利涉之淡渡也內有剛健之德需於險而不 漸演民日遷善而不自知此所以廣大亨通正固而吉與孔子 **者出治欠道化成不必於目前計其功并不必於吾身收其效** 上陰陽交通故光大而亭光廣也。一說光明顯也互離光明之 日欲速則不達又日如有王者必世而後仁此之謂也坎乾爲

九二需于沙小有言終吉 口舌爲言四懼二之進而沮毀之也然剛中之德雖遭讒謗獸 有音小有言者大者无可真叉不可以過賣也四陰爲小五兌 進則小人懼不能无護刺之言故小有言言實也尤二失正故 所**昭**战象 % 淡水 旁 平 衍 之 地 也 一 進 而 在 位 與 五 有 君 臣 之 咎。 時。安居畎畝淡然若將終身不變其志則不涉於險矣。可以无 **分而非陰陽之應故進不遼進立於平直之地以待之吳君子** 九二得中。應坎險而不及險故需於沙坎爲水。二近於水而無 也乾傷不息故利用恆初九震爻亦有恆象陽德在下養晦俟 初九壽之始而位處下。遠於坎險故壽於郊乾爲郊郊邑之外 勇 主意含上

六四喬于血出自穴 九三需于泥致寇至 方台灣雨將降。需道將成矣四本陰柔不能施膏澤於天下。故 需於血陰傷則見血陰順乎屬故不即於傷也兒口爲穴穴雲 **象傳日敬愼不敗者所以處寇之道乾爲敬**。 當順聽乎五然陽必順隂之助君必得臣之輔四能通下之情 所自出六四陰位而直兒口、穴之象雲出於穴而升天上。陰陽 血陰象。坎亦爲血血統乎氣陰從於陽六四陰順以聽於五故 進特其剛强自廹於險故致寇至寇在外。二自致之罪在三矣 九三逼近坎險故需於泥泥則切近水矣坎爲寇三不中而上 時而終則必有合也故終吉

九五需于酒食貞吉 上六入于穴有不速之客三人來敬之終吉 上六需道己終時雨已降。雲當復返於穴故入於穴上六兌爻 眾能體乾而敬之,不相淩而相好矣故終言語云人相敬則不 則升而上以一陰適當天位之上故三人來情不相習來者又 之容三人來速召也三人乾三陽也下卦三陽本屬天象需極 爲穴上爲坎水之歸宿亦入穴象陰下降則陽上升故有不速 剛中正其道足以養天下。休養生息優柔壓低漸以仁而摩以 **坎鴻酒食叉坎水在離火上。下有兒日承之酒食之象。尤五腸** 義食以德而飲以和王道久則化自成故正固而吉 **以達乎上出地之氣以致乎天需道之成四不爲無功焉** THE WAY

				人以態穿到不離也	新雖當横逆之來。接之以敬亦有以平其氣而 憐其神
•					具減所開敬

三訟坎下 乾故慢慢則不敢輕訟訟非善事不得已而後出此然猶必以 不得盡其詞言訟之當有實也坎陷於內故窒黛所以有訟體 上无可取信不可訟也書曰師聽五辭五節節第子曰無情者 為險。彼剛此險是以興訟叉內險而外健不險則无訟不健則 訟叉天升於上。水降於下。上下相違亦訟之象上乾爲剛下坎 坎爲字。九二中實天水相接故有字。訟之道必有其實取信於 不能訟險而健故訟也乾以剛健中正平丁之險聽訟之道也 地道衍右。水道東流。水本天之所生而一左一右其行相違故 訟爭也学從言公言之於公以辯曲直也天道尙左日月西移 1

畏民志可以爲大人矣坎乾爲大川天水違行之際其行不順 故不敢偏袒終凶故不敢牽連糾纏利見大人故不敢以无才 字 故 先 察 其 虛 實 玺 故 必 通 其 情 愫 惕 故 不 敢 輕 於 判 斷 中 吉 之以斷曲直如此數語訟之事盡矣而聽訟之道亦寓於中有 之事不可成故終凶。大人指九五,中正剛健能聽訟者故利見 偏不偏設其詞。中則不過不過逞其强故言坎之險不可陷訟 **豈可以涉大川哉** 故不利涉和夷可以其擠協力可以成功同舟之中相爲爭訟 不可以涉及上載三陽如舟過重而遇互卦之異風其凶甚矣 无德之身親案牘也。大人者有聽訟之才。尤有使無訟之道犬 畏懼處之蓋訟而勝已有所傷現不必勝乎九二得中,中則不

九二不克訟歸而逋其邑人三百戸无貴 初六不永所事小有言終吉 九二坎險之主。上應九五。兩剛相遇故訟然九五居尊非一 以求勝也故不永所事。不長也言事不言訟者居訟之初未成 犯上之嫌上承離明足以辨明其事而獲理矣故雖小有言而 訟或有論勢不論理而譏刺之者然有柔順小心之美无貪爭 其為訟也就爲言。互巽之日向下。有言象初失正故小有言陰 初六柔弱則無健訟之才位下則有畏上之意是本无食爭凌 爲小謂三初應在四三門其中故小有責言也夫以卑賤而與 戾之志不得已而有訟但水辯明曲直即可以止不終極其事

六三食舊德貞厲終吉或從王事无成 象邑下卦之象三百戸指下三爻"下卦之主位為大夫三百 其家惟不克而歸逋故得保私邑可以无貴貴災也災異之異 能敵一又陰位故不克訟而逋克能也通逃也炎爲隱伏逋之 求得其弊反將所有者而失之。] |之逋] |之幸也 皆陰陽乖戾之氣不爭故无災也凡訟起於爭爭由於貪貪以 戸其食邑也二、敢與五訟以下陵上以臣犯君必取大漏不保 前人之遺德也性本陰柔又體異順上承乾陽賞先業以自養 乾爲舊德坎爲食六三、兒交兌爲口故食之三位爲公當有封 邑而陰柔无才。非所自得上從乎乾乾陽爲德而在其前是食 安分宁舊不求增多無貧求之心故無爭訟之象員固自守雖

九五訟元吉 九四不克訟復即命渝安貞吉 不言訟。 言訟而无他解中則不過正則不偏以之訟則獲理以之聽 陰柔之正道也。食膏德者不爭利。 无成則並不爭功故此爻獨 卦惟九五一爻當位。中正居尊。一卦之主天下無與爭者故直 柔故安靜正固而言復反也渝變也 爲命既不克訟故反就九五之命變其爭心不爭而順化剛爲 九四剛而不中故訟居柔位故不克訟九四震交震為復互異 三爲公叉承巽命故從王事不中正故或之无成者不有其成 乘剛危馬而終吉詩日不恢不求。何用不臧三之謂也王指五 E : 1/2/11

上九或錫之聲帶終朝二號之 陶之命周官謹司寇之職凡以達民隱而遏亂源九五以剛健 **乾為天天行一日一周乾之終故終朝巽爲繩帶之象聲帶大** 矣。其爲吉也大哉。 以剛用上一訟而得勝之象。故受鑑帶之命服然以爭受服終不 帶也錄賜也或錫者不必錫而錫之也乾三爻稱三乾健之極 已情不平則爭,小而口舌大而干戈皆訟之象也故虞廷有皋 中正之德調强弱斷曲直息其爭而平其情人心平則天下治 而元吉者何也葢天下之大。人情而已治天下之道平其情而 則息爭。故元吉。乾元託位於五此象所稱之大人也訟非善事 可特以不道得之者即可以不道失之。故終朝三號之號奪也

亦便矣。	
慶矣。 一 一 一 一 一 一 一 一 一 一 一 一 一	
得哉一該褫作拖拖者施	五
哉 該	食
設褫作拖拖者施	時 年
3	終
拖拖在	朝
抱	過過
1	屢
	関
	時
9	上,未
全	人人
	然
	划
	一手
	者

師貞丈人吉无咎 諸此矣。 攻堅强者莫之能勝孫子曰、兵形象水。水之形避高而趨下。兵 地中之眾者莫過乎水。水在地中。以眾而行師之象內險外順 測於至靜之中。此其象也卦畫九二一陽爲眾陰主眾順從之 **帥師之象也。比眾在內, 陽在上而爲之主君之象師眾在外 晚道以順行之師之道也。古者寓兵於農伏至險於大順滅不** 師 形避賞而擊處水因地而制流兵因敵而制腠然則兵法寓 陽在下而爲之主將帥之象。老子曰天下柔弱莫過乎水而 眾也兵必以眾故兵稱師。禮二千五百人爲師也,坤地爲眾 主一家民上

初六師出以律否滅凶 者也] | 互展爲長子故稱丈人以剛中之| 陽率順從之羣陰 勝已傷天地之和不幸而敗即貽宗社之禍故行師非以貪 威略出眾眾所畏服是以師出有功定天下而威四國。故吉 也以正伐不正天下皆望其正已焉。正之效也。丈長也材逾千 但求无告而已。 无咎无咎者宜有咎者也兵者不祥之器不得已而用之幸 不變將心之固也糧蝎械壞而志不衰。士心之固也擲山易撼 岳家軍難。固之效也不正則師出无名。人所不服。征之爲言正 、。始足以將千人材逾萬人。始足以將萬人丈人有長人之能 五正應故貞貞訓正固不固則不能成軍故山崩川決而包

九二在師中吉无咎王三錫命 命令不用命則誘放凶 謹嚴故以律。律法也謂陣伍號令之事坐作進退之質整齊嚴 也否不也又下爲民位民出爲兵不預攻守之策但守法律聽 九二得中為師之主故在師中。在師中者居中以制四維握奇 煎出師之本也。若不善其律。失行軍之法必取敗亡。故凶臧善 以生八陣。此握奇經八陣圖之所爲作歟爲帥之道必本場剛 五爻皆陰。知非帥才。一 ,中道而居陰位嚴而不猛刷而能柔進退攻守不失其宜故 爲法律。上承互震爲出初爻者師之方出也出師之道始於 而旡咎必言无咎者嚴雖獲勝時有畏戒之心但求免咎 一以一場帥眾陰專聞之寄權无旁貸了 着すし

六三師或與尸凶 **賞薄者不可以得士權輕者不足以涖眾。命錫至三賞之厚任** 臣無跋扈之心。君无猜忌之意矣。 龍所以威敵師出有功君之威令及遠也臣下何專焉知此則 中應五五所寵任故王三錫命三歷三爻也震雷有錫命之象 而用事五以柔居上而任之。「將兵之將五命將之君也。一得 兵之出於不得已亦以戒將帥之恃功也玉指五一以剛居下 之專矣。夫臣功之成。由君任之專君與臣權所以安邦臣承君 不正无應无助反乘二之陽而以躁動故師或與尸凶坎爲車 六三陰爻柔懦非用兵之才又居陽位剛狠有爭功之意不中 坤爲死死在坎上故輿乃三不中故或之古重車戰輿本戰之 11 一人名

六五田有禽利執言无咎長子師師弟子與尸貞凶 六四師左次无告 **食扼坎之險據坤之地雖不能勝亦不致敗故无咎无二之吉** 而能正言伐罪故利執言无答置有言象長子指二二互為 教育者執持成言聲罪以致討也五以柔居尊不能師師即敵 五言田五應二二一陽爻故有禽禽鳥獸之總名有禽是有得也 六五、離爻、離爲網罟故田。古者寓兵於農寓戰法於田獵故六 亦无三之凶也。 退故稱左次,舍也。六四陰柔不能克敵然居陰得正故全師退 **軍禮尙石偏將軍居左。上將軍居右故以左為後四居陰位陰** 具而大敗之後其上或以載尸也其凶可知

上六大君有命開國承家小人勿用 軍天子以賞罰用將帥將帥雖有功必免首聽大君之命故曰 上六、土反其宅。水歸其壑順之至師之入也將帥以賞罰用三 專或各道並出或命人監視之。牽掣推談卒无成功即僥倖而 謀之也欲求有功難矣故正固而凶夫帥一而已後世委任不 子與只。所謂使賢者爲之與不肖者議之便知者圖之與愚者 俾專斷也權一 奉命而征君之逍遥將而任故分之以聞誓莫干也授之以鉞 大君有命。大君天子也指五稱大以別乎諸侯所謂禮樂征伐 爲長男弟子指三三互坎坎爲中男鷹之弟乾之子也將之道 勝亦必有攘奪伎害之禍是使之者之過也。 下一名| 而志不分所以有濟若既使長子帥師又使弟

言之。上爻多據一卦之終言之。大君有命本指六五而發於上 問而後賞也。六爻分則爲六合則爲一。故初爻多據一卦之始 馬釋甲歸田師之象已不見矣初言罰上言賞者所謂兵法先 者上爲卦終師已收功之時也他卦亦多類此 將者知此意則始終不以小人參之矣。上獨不言師者歸牛放 封放開國承家開國封諸侯也承家立大夫也承受也功大者 爲諸侯次爲大夫坤爲國上 八勿用者師乃大事。非小人之所可用也此戒占者之詞而命 天子出也師已凱旋策勲行賞成功者退各釋兵柄而就所 主一、民民上 一卦亦爲國二爲家。下卦亦爲家小

比吉原筮元汞貞无咎不衁方來後夫凶 莫敢不來享。莫敢不來王吉可知矣,坎爲叢棘而得中氣爲 黨故比與師相反而相承也。 之在地上地得水而柔水得地而流比之象也坎以忠信任下。 比,合也親輔也,坎水在上,坤池在下,物之相切比無**問莫**如水 下。所以比也古者兵民一致出則爲伍兩軍師居則爲此間族 下順從之比之道也邽實一陽居尊零陰親附下親上上亦親 **故筮原,再也。坎再案而得男故稱再。生人之初洪荒之世无所 謂比至世俗有隆汚。人情有離合而後比道貴焉故比非** 八道乖爭則凶親比則吉得道者多助多助則天下順之詩

初六有冬比之无咎有字盈缶終來有他吉 以安羣陰咸來親附九五。故不衁方來方初也言來者甚眾而 夫聖王御宇。天下咸歸。上獨自外平生成凶可知矣互艮爲背 未已也陰以陽爲夫。上六一爻獨乘陽不下。在五之前故曰後 **汞貞如此則非私比而旡咎矣衁安也坤爲安陰不自安恃陽** 葆坤貞居尊有應天下奉爲元首故元相應以正親密无間故 初為民位當比之始能以陰順上字於陽而比之雖不正可以 誘如馬赫防風氏是也。 上在背後。後夫之象。一說後夫、後至之人也。比道貴先後至者 而再筮也尤五一暖以乾之中爻居坤之尊位故能體乾元而 无咎坎爲字。初六巽爻亦爲字,坤器爲缶坎木在坤器上故盈

六二比之自內貞吉 而吉也。 歸故終來詩云邦畿千里惟民所止言民之咸願來也巽爲進 退有它之象。初正應四而乃歸五。故有它水之流也以土為源 缶。上下情通誠信之極至於盈缶也盈滿也滿則流流則有所 六二正應九五故比之。在內卦故自內九五 王道之成也以民爲本。初誠信之極不應五而終歸五故有它 實非苟爲親附也故盡心養性君子之所以事天也進德修業 **比] | 一在內似與五遠不知兩中相應] | 一得中得正自有可比之** 君子之所以事君也失其道而求合於上者不得爲比盡其道 而有合於上者乃眞爲比也是以正固而言。 主一一一一一 **圆天下之所欲**

六三比之匪人 一六四外比之真言 - 處故匪人。匪人者以陰消陽消至人位與否彖豑同。夫人不 六三不中不正不應於九五之陽而承乘與應皆陰是不得其 人而比之所比者皆非人也故比之匪人匪非也三爲人追陰 孤立必有所比然自君子以外皆非其人也買子日習與正 之匪人也初至五體俐故傷 居不能无正習與不正人居不能无不正六三不正故知其比 非不欲仕患无其主耳九五之賢君既作。四故出而相輔 六四居外卦而切進五得陰之正順以承陽故外比之共君子 其位。比其德也是以真吉象傳云賢與上皆指九五。

九五顯比王用三驅失前禽邑人不誠 臨書日光被四表詩日不顯文王。百辟其刑之。此之謂也。九五 **外故失之。田獵之禮天子不合圍來不拒故取順去不追故舍** 君位、故稱王。凡五皆有君象。卦意取象於君臣故稱王召則不 爲比之主故顯比顯比香光明正大之象猶日月之明无不照 坎水內明故願居尊位、亦顯五爻皆陰。故皆言比之九五陽爻 **逝舍逆取順故失前禽蓋王者不以天下爲利欲與聲敎則治** 稱王也三驅下三爻也坎為車馬互艮為門駕車馬以驅禽獸 於旃門之內也。雖不過三二示有節也前禽謂上。上獨在艮門之 心无所驚擾故不誠誠驚也失前禽見王心之廣大不誠見尽 之不欲與者不强治也下卦爲邑坤亦爲邑邑居之人咸順王 # + Mides

上六比之无首凶 向五而來故取之上六背五而去。故舍之或謂來者爲逆故舍 臣服之不使一人之不順何太不廣也。 去青爲順故取是已去而追取。非不合圍之義且欲合八荒而 情之大順詩日之子於

征有聞无聲

邑人所以不誠也

下四陰 於化外不强不臣者而臣之也。 猶有上九之不服可見比之世亦有頑梗者在故聖王不馳情 率土先歸之象故吉。上有頁固不服之象故凶當大同之世而 城之。故无首凶。上亦首之象。陰虛故无滅於坎水亦无也。初有 上六居比之終陰迷失道,而背乎五。陰以陽爲首。上反乘陽而 アーシモ

|||||小畜冀下

乾陽剛健之德以柔巽養之。小畜之道也巽陰卦故風天稱小 畜乾所以小也若山為有形之物又止而不遷以之畜乾則大 在風下。不能即升、小畜之象風在天上。未即下布。亦小畜之象 矣。卦畫一陰居四得位上行五陽應之。體巽順之德象兌澤之 聚以下畜乎三陽陰爲卦主故名小畜也大畜君畜臣也小畜

小畜亨密雲不雨自我西郊 以陰畜陽陰陽交通聚而得養故亨孟子日畜君何尤畜君者 E Mail

臣畜君也

之子月望之也日自我西郊。自責者深矣所謂臣罪當訴天王 以爲陽德之不成陰之過也君德之不成臣之咎也徒深望雨 釋不被於天下。而文王不忍斥弒方且以畜君未成引爲已 文王自謂文王事紂臣之恭順己著君之陽德未成有臣无君 則雨。小斎則陰陽之氣雖通而時方蓄聚,未施降於下也又 兌澤上行亦爲雲裔聚天上澤止未降。故密雲不兩**陰陽升降** 好君也臣能畜君君能從臣所以亨也巽陰氣在天上爲雲互 之思恨无问天之力。日密雲不雨望君者切矣所謂王庶幾改 我西郊西陰象陰唱而陽未和也郊遠象可望而不可即也我 離之日烜之巽之風散之不雨之象。乾爲郊,互兌位乎西故自 陰在上而異離兒三陰卦皆備密雲之象。三陽亘於下。而有互 岩 一 第一

九二牽復吉 初九復自道何其咎吉 九二雖亦見畜於上卦。而不與四應特因初陽之復而亦復於 咎之 至 也 道之美不見爲四之畜但見爲初之復言何如也何其告者无 本不足以畜暖初若為四所畜而來復者不知初赐之復自由 是陽未嘗失而復由其道也故復目道葢風本不足以畜天陰 復巽之一陰消陽於上初九一陽來復於下。在於上則來於下。 其道不得謂咎而實吉也臣無批辭犯顏之爭君已有囘心向 聖明也 初九震爻故稱復震爲大塗故稱道道路也陽往則消陽來則 主・一彩と

九三輿說輻夫妻反目 爲陰所乘而制其行故脫輻有輻而脫是不能自復而有强制 妻三四當兩卦相接之際。一陰一陽故稱夫妻互卦異離成家 車下縛也三以剛壯之質居下卦之上。志欲上進乃密比六四 **乾圓有車象行地道之上遇互兌之毀故脫輻說即脫解也輻 夫當在外妻當在下。夫當在上。今夫在內而妻在外妻又乘夫** 爲目動而上有目象不正巽又爲多白眼反目之象妻當在內 人。亦夫妻象。陰陽之道在國則喻君臣。在家則喻夫妻也互離 之者矣三四陰陽比台。有夫妻象下卦乾爲夫。上卦巽長女爲 因初之復而復亦不見爲陰之畜也故言巽爲繩率之象。 牽復牽引弘運也陽得中道遠於四而近於初故失猶未遠即 子一一

六四有学血去惕出无咎 九五有字擊如富以其鄰 不服而反目也家傳曰不能正室蓋以實夫也 陰之力不足畜陽惟其有字於五君臣相信畜道乃成故孔子 自二至上互成中学。巽兌皆有学象陰得正而上承陽故有学 道誠積乎中。上字於君斯可无咎矣。 反目之道三不中正不能以夫正妻而反見制於妻是以兩均 於陽則有血学於陽則傷之者去矣故血去乾敬爲惕陰懼惕 侵則煬字於陽則戒懼之念消矣故惕出夫畜君本臣子之忠 日信而後諫示信則君以為謗已也血陰象兒澤亦爲血陰傷 而誠意未通則君心不諒身有不傷心有不憂者乎。故事君之

一九馬兩旣處尙德載婦貞屬月幾望君子征凶 字。君臣一德天位與共天**滁與**食所謂富以其鄰也 相交臣擴誠以事主君推誠以接下。相信而不可間故有字鐘 有字謂字於四巽爲織故鐘如孌牽連也畜之道成於字四五 猶書所謂臣鄰也尤五富不獨富能併六四而富之蓋陰陽交 如巽爲近利市三倍故富鄰指四相比爲鄰君臣同體故稱鄉 爲既處何進也上也德以畜而大小畜至於上則德進而成載 天上爲不雨。由上九視之則兒澤在下。故爲旣雨雨息風收故 雨矣陰陽升降。各安所處向之倘往者。今則既處矣。互兌澤在 載齊車載之載陽爲德腸畜於陰故陽藉陰以爲載也巽長女 一九小畜之道已成陰則既除陽則既升向之不雨者今則旣

周易注一化		盛則礙乎陽故君子征則凶。	月之將望下應互離之日。月得日光以爲望也陽交手太監前貞履月陰之報也幾近也望滿也幾望陷	為婦以陰畜튏以小畜大於非可常之事况小畜至
			尤以為望也陽交爲君子。陰也望滿也幾望陰區也気勢	常之事况小畜至上陰道嫌

履虎尾不咥人亨 以柔承剛以弱承强優之象乾行兒上爲履蹈之履兒躡乾後。 則爲履踐之履也。中互離爲禮因上天下澤而制爲尊卑進退 履踐也又訓禮禮人之所履也天升在上澤聚在下。以卑承高 虎爲百獸之王就爲諸卦之首乾之剛健威猛有類於虎故稱 兌踐於其後所謂柔履剛也 用和為貴也卦畫一陰居三似以柔履剛之象又一陰居五場 之禮與其履之也內和說而外赫敬履之道也故有子曰禮之 虎戟龍坤虎以上下言之此以乾爲虎者取猛健之意猶之鼓 之中。進退皆陽亦似履剛之象然乾陽爲剛兒陰爲柔乾行而 夏 乾 上 下 T 18/10 11

初九素履住无咎 特以存者禮耳。有禮則安无禮則危詩曰、人而无禮不死何俟 以卑承尊其德則以說應健外有乾之敬內有兌之和故不咥 也三為兒主而居人位故稱人兌為口故咥咥齕也然其位則 其後战履虎尾尾者身之餘兒在乾下。故不及其身而履其尾 爲馬而坤亦取象於馬也或卦在前兌以柔弱卑說之體以於 有禮所以不死也禮主乎敬履虎尾敬之甚矣禮貴乎和不咥 故不咥人履本訓禮禮者持躬之具也夫身世間莫匪危機所 人而亮兒日雖有咥人之象而上下陽實兒伏於中兒口不開 素无飾也初九履道之始无位之地外不求應內不失正素位 人和之至矣。嘉會以合禮履之所以亨也 七二十年一

|六||二|| 眇能視跛能履履虎尾咥人凶武人爲于大君 九二履道坦坦幽人貞吉 陰掩之幽蔽之象履得中道无行險徼倖之心雖見幽蔽守其 志節而不少變故貞吉詩日考槃在瀾碩八之寬獨寐寤言永 崎嶇]]得中故坦坦陽畫平直亦坦坦象陽爲人]]居澤中。] 九二地道之上故履道坦平也凡行道者由中則平坦從旁則 而行无假緣飾故素履禮日甘受和白受乐禮以質爲本有質 矢弗諼此幽人之貞吉也 而後可以施之交。初之素禮之本也故往无咎初九震爻爲往 互離爲目互巽爲股兌爲毀折故眇而跛目視不正故眇足履

巽為入贈入於口忠故咥人而凶六三不中不正上犯天威能 歸之以武人欲履大君之位故武人為於大君五爲君位三乘 者爲主六三陰而不中乃爲一卦之主據有剛位而欲使羣陽 論此爻則正值兌日故咥人也三人位巽究為躁卦故稱武人 免於凶乎。彖言不咥人享。爻言咥人凶者蓋爻以時變。一卦有 勢而爲之後世如項羽安禄山輩以武夫稱帝號即此象也或 陽舒陰慘武人者一陰之象離爲衢明而治有大君象易以少 不中故跛躡萬之後故履虎尾位值兌口之開又互離為麗互 以為於大君解作勤於王事然語意不合且非六三之所能也 卦之象一爻有一爻之象; 新全卦則兌口伏於中。故不咥人 オーラタ

九五夬履貞厲 引 **履澤天爲夬,天澤亦有夬象,夬決也九五居履道之尊當用夬** 而又以陽居陰成三凶而四終吉 於年四之吉自履尾恕恕來也三多凶而又以陰居陽四多懼 以終吉愬愬恐懼貌堯曰慄慄危懼。日甚一日夷躓於山。而躓 處之地然已在兒日之外。虎无咥人之象能體乾敬則恕恕可 所謂履帝位而不疾者而貞厲何哉蓋九五體乾之剛又以剛 九五居至尊之位。有剛斷之才。足以決去六三不正之陰故夬 之地。大權在握獨斷獨行故貞固而危厲也。九五一爻正彖傳 九四居乾之後故亦象履虎尾剛而不中。居近君之位此最難 居 於用剛下卦卑柔承以兌說猶英明天子自用於上

百辟承流有將順无匡就故雖中正不免於危可不懼哉

一九視履考祥其旋元吉 旋復也視其所履考其機能鑒於六三之不善而旋復於善克 上九履之終禮之成矣。視鑒也考察也祥穢也吉之先見者也

於下。而元吉矣或本有元不言於五而言於上者五用剛致危 上則陰陽和天人應履道成而乾德粹矣。一說祥作詳謂考證 已以復騰去人而合天終乾之敬蹈兒之和故天應於上。人說

泰小往大來吉亨 陰氣往陽氣來。在人道則爲小人往君子來內屬生物之原外 伸內為大來。小往者小有所往,大來者大有所來在天道則爲 陰爲小陽爲大外卦爲往內卦爲來泰三陰部外爲小往三陽 在外世之所以致泰也 地位。亦相交之象。內剛健而外柔順泰之道也泰陽長之卦陽 長陰消時之所以爲泰也陽爲君子。陰爲小人君子在內小人 交故泰盖坤氣上升所以成天道乾氣下降所以成地道天地 二氣不交則閉塞相交則陰陽通萬物生也又地居天位天居 泰交也通也更更<

初九拔茅茹以其彙征吉 也動物之生其首在上植物之生其首在下。初在下爲三陽之 之人外小人所以順化也故吉而亭亭者通也泰交則亨否不 矣用賢者首舉一大賢則羣賢從之矣震爻為征陽主進故征 根拔之則必及其類彙類也故拔茅者但拔其根則枝葉從之 林。茅不自達必俟人拔之拔擢也。初在下而應乎外故上拔之 泰之初皆取象焉茅惟人所用用則登於宗廟不用則老於山 互震爲蕃鮮故稱茅。茅根爲茹初在地下故稱茹茅叢生故否 交則死亨。 陰所以成物也內健幹事之本。外順所以成事也內君子起 扫一一人角上

九二包荒用馮河不遐遺朋古得向于中行 大道為公何所謂朋故朋亡陰爲朋陽來陰往是以朋亡書日 容天下者始足以治天下。包荒致泰之本也无不包則无不齊 九二坎爻爲河兒亦爲河互震爲足徒涉之象馮河徒步涉河 包荒禮只山川藏穢國君納汙量容一 九二應五五爲陰爻陰虛故荒荒虛也以乾包坤。以陽包陰改 无不周。四海爲家何所謂遐故不遐遺遐遠也乾爲遠遺忘也 也體乾行健。无所畏阻故用以馮河而難无不濟矣无不濟則 凡厥庶民无有淫朋人无有比德又曰无黛无偏王道平平蓋 中以爲之極則天下无私无私則泰矣五爲建中之君而 |剛所以成天地之化弱五以行中者| ||之力也故得尙 11 W/0211 國者始足以治一 一國量

九三无平不陂无往不復艱貞无咎勿恤其孚于食有福 九三過中。陽已極而陰將至下卦終而上卦來莫謂世之已平 也故治極則防其亂必艱難而不敢康逸正固而不敢紛更乃 也固无平而不败也莫謂時之已往也固无往而不復也陂偏 於中行。尚上進也 所其無逸艱之謂也詩曰不愆不忘率由舊章貞之謂也乾直 可无咎三在泰中。守成之象巍貞者守成之良法也書曰君子 變化之地天地之間故特於此發明其理使人因時為之道也 銀乾為反復道三至上互復故稱復天地循環屈伸相倚三當 爲平而不中則陂出下卦爲往而互實則復故有平败往復之 **坎爲恤,九二,坎爻至三,不見又 互兌之說,承坤之順故勿恤,恤**

|六四翩翩不富以其鄰不戒以字 字之,坤爲土。稼穑作甘<u>慶亦爲稼穑</u>兌口承之爲食乾爲福] 接之際。必以實德威通乃不至於否隔故不必憂恤其思有以 **貌陰虛无實故不富鄰指上五四爲三陰之首四變而陰五與** 保富也高而不危所以常保貴也是以處案而獲漏也 公卿之位得以食其封邑而時在泰中。民安物阜故於食有漏 憂也勿恤者宜恤者也。上合於陰故其字。 瓦兌有字象 陰陽交 退遞雖在顯位不自滿假也以陰乘陽防其危逼宜有戒然 上因之亦變而陰故四併其鄰而不富不富者陰居陰位謙虛 三以天之高而卑於地以陽之上而下乎陰滿而不溢所以常 互體觀爲翩翩上三陰爻接連自天而下。翩翩之象翩翩輕舉 主

《卷上

八五帝乙歸妹以祉元吉 以学也 陽相交所以成奏故以祉元吉斌福也富貴不驕所以保其福 不恃其貴而下嫁之故帝乙歸姊婦人謂嫁日歸。中和相承。陰 者,六五、陰居尊位。帝之姊妹。五在震後故知爲妹也應二之陽 義主於交交之實必以信三四兩爻內外卦相接之地所以交 减光善而吉也陰爻稱元者所謂坤凝乾元也。 互兌少女互實長男自一至五互成歸妹故爻辭與歸妹之六 而成泰成皆言字。学之道内實外處三陽實故其字。四陰虛故 在泰中。上下相信六四志在下復故不必警戒而以孚之泰之 五同五帝位。慶象乙故稱帝乙帝乙商先王疑始定下嫁之禮

成否故邑人來告其命而議之也若否之六四奉五之命以致 | 六城復於隍勿用師自邑告命貞吝 享承平。歷年滋遠其所守者未有不隳者也當築城之日不知 亦爲呂震爲命兌爲口故來告命。命號令也世將治則命自上 幾費辛勤奈何不時加完葺竟合日侵月削聚者歸於散上者 泰極否來之象也或雖美久不修則敒城雖堅久不治則廢坐 更負功黷武傲福境外則愈促其亡故勿用師也邑指下卦。坤 以守安可以戰內政未修安可攘外況權柄下移內憂方大若 坤土在上爲城應慶之動兌之毀顯搖傾覆故復於隍廛壑也 而下。將亂則命自下反上孔子曰天下有道則庶人不識泰將 反於下乎,坤爲眾互震長子率師有用師象然城已攘矣无可 TH 18//251 1.1

			不變狃於長治久安。	野下。則將休否矣極 一
			事皆墮壤於泯泯之中而不	乎下。則將休否矣極泰之世必當變通振作。以袪其斃若貞而
, , , , , , , , , , , , , , , , , , , ,			之貴則吝矣	「其弊。若貞而

否之匪人不利君子貞大往小來 不下降。地氣沉降而不上升。一氣不交故否陽中无陰陰中无 陽不能生物也又陰長之卦消陽至三所謂天地閉賢人隱也 所以治故泰否象小人祸朝君子在野世所以亂故否泰之時 來於時爲秋秋則萬物不生故否泰象君子滿朝小人在野世 亦否之象。泰陽來陰去於時爲春春則萬物生故泰否陽去陰 陽爲人三爲人道消陽至三。生氣消滅故匪人陽氣者生人一 上之情達乎下。下之情達乎上故泰否之時上之情不達乎下。 否閉也陰陽不交而閉塞也乾上坤下。泰反成否天氣上升而 下之倩不達乎上苡否

初六拔茅茹以其彙貞吉亨 根拔之則必及其類初得時有應以陰從陽以下奉上正固自 言當變通趨時。沈機觀變。危行而言逐。舍經以達權也屬稱大 人,世之所以成否也君子陽類陽消而詘於外。故不利君子貞 守惟上所用。故貞吉否言貞吉泰言征吉者**陽**欲其進陰欲其 則被來。泰反即否特一反掌之間耳可不慎哉象言不利君子。 亡故詩曰八之云亡,那國殄瘁不得其人而用之而用者非其 互巽為茅,茅根為茹初在下而應乎上。故上找之。初為三陰之 本也賢才者國家之陽氣也陽氣外越則身死賢才遠去則 而不言利小人者君子之禍亦非小人之福也。 王一一

六三包羞 六二包承小人吉大人否亨 道故否亨否閉其亨猶不亨也蓋包其所承委曲求容所謂以 故包承。地承天而能受其氣。小人事君子而能順其心得陰之 六二居地之中。包天之氣以陰包陽故包。陰上承陽包其所承。 陰不知一爻有一爻之德彖則以消陽爲戒爻則以承陽爲美。 顺爲正妾婦之道也大丈夫豈得出此 道故小八吉若陽剛之大人。必不立於羣小之中而行小人之 六三以陰包屬而不中正故包蓋天包地地亦包天故泰九 否之拔者下為上用陰爲陽得也若爲上所拔去何以貞吉乎 正阿也或謂泰之拔拔用之。否之拔拔去之。其意主於進陽退 **事 主 ₹%上**

九四有命无咎疇離祉 日包荒天地至大包地之形於其中也否六二 爲战以一不中之小人。而欲包納眾君子。多見其不知量已 不能包天之氣而包天之形不知天形之大。非所能包羞孰甚 容受亦謂之包包其氣非包其形也六三不在地中而出地上 天施則地生陽施則陰受四承天以施於地地上之物莫不受 並受其福職類也離歷也就福也乾爲福互艮爲止。止於福也 **厚包天之氣於其中也地本不可以包天而天之氣地中無不 道則爲君命。昔人謂君能造命故君之所出者即爲命也不合** 九四承五之命以致乎下。雖當陰長之時可以无咎且便羣倫 福也巽以申命行事互巽故有命凡言命者天道則爲天命人 主一人作一 一日包承地德至

九五休否大人吉其亡其亡弊于苞桑 八事也孔子不能治春秋之亂有其德无其位也桀紂不能救 夏商之亡,有其位无其德也當此爻者其楊武平。上必繫於下。 桑也尤五坎爻坎為叢棘又互異為陰木。故象苞桑異為觸故 亡其亡繁於苞桑不繫於磐石而繫於苞桑危之甚矣苞桑柔 君必繫乎民而敢下乘坤。坤虛而柔若不能繫改深慮之曰其 有君德而居君位。故稱大人惟大人為能已亂故吉、休否非小 九五剛健中正尊居君位撥亂反正君之任也故休否休息也 卒咸泣奉王朝之正朔眾庶歸心命之所繫大矣哉。 能收入心壯士氣而奏膚功者特有君命也降尺一之詔曹叛 乎天不可以化人不獲乎上不可以治民。大臣當飢離之縣猶 注一《卷上

上九傾否先否後喜 爲人道則必盡君子觀於泰否之際。未嘗不引爲已實爲 治而復飢所謂人也然天有厭亂之意而後生己亂之人人 也蓋有生則有殺有治則有飢循環之理所謂天也而世有人 天也人有思治之心而後天有厭亂之意天即入也天趋不可 則當亂而不卽亂或小亂而復治無人則當治而不卽治或小 泰否相循亦兼天道人道言之否終則傾天也所以傾之者人 來。故先否後喜所謂始於憂勤而終於逸樂也易兼天道人道 以不亡者即在此也 上九百卦之終物極則反否終則傾故傾否傾猶覆也否極察 **繁有大人之德而當否之時體乾之楊故深慮其亡而不知所**

同人于野亨利涉大 虚战无我有我則不能同人矣。乾陽爲人 陽皆欲同之叉與九五中正相應同人之道也 天同也乾雕之先天離乾之後天以離承乾天無體火亦無體。 二同人 无不見所以無不同也。卦畫六二一陰中正居內麗乎眾陽眾 之亦同人之義又人人相見以天萬物相見乎離居天之下而 天有象火亦有象。故同人同人、无我也火奇物以生而體又 於野則廣遠而無私曲隔達而無間隔大公无我以通天下 爲野。二 人同其也合也人對已言乾上離下。天在上而火炎上性與 二地道亦 稱野野者極目而視地與天連之處也同一 、離以麗之五異以 乯

初九同八于門无咎 也故君子在上則同寅協恭在下則敬業樂羣即或居不同地 文明之德故利浅獨立不足以濟難隻手不可以操舟齊心合 志战亨。情乖則隔志同則通故紂王以離心離德而亡武王以 **真性情無私喜怒以中正之德同乎人。非以變遷詭隨同乎~** 同心同應而興也乾爲大川乾健之行乘互巽之木以濟又有 力,則同舟共濟矣居中得正而有正應故利君子貞惟君子**有** 而千里百里有若比肩生不同時而先聖後聖若合符節所謂 此心此理同也此同人之正也。 千百世之下。有賢者焉此心此理同也千百里之外,有賢者焉 初九震爻爲日門爲大塗出門之象初爻亦象門進承乎二。

九三伏戎于莽升其高陵三歲不興 六二同人于宗吝 於九五以爲宗而同之不能大同於世未盡同人之道故斉。 宗尊也。主也。陰以陽爲宗二之陰應五之陽故同人於宗二爲 起也三歲三爻也尤三過剛不中。乘乎二而欲同之而二五正 又為高尤三艮交為山故象高陵巽又為進退不果故不興興 離爲戈兵甲胄有戎象互巽爲伏故伏戎巽爲柔木故象莽巽 所私昵門戸一開無人不可相見適與二同非苟以同之也。 接最先同之雖以剛承柔而亦无咎言門者初當同人之始無 出門而即同之。故同人於門。卦五爻皆以同一爲志。材位與相 卦之主眾陽皆欲同之而陰居陰位又在內卦。其性專一。繫

九四乘其墉弗克攻吉 害之計叉升高遠望以覘其勢然三卑而五尊三不中而五得 中。一五正應非所能敵故至於三歲疲憊不能起也天下之事 懼三體離燥,四體乾惕,三與二近近則勢所必爭四與二遠遠 値陰位其志不剛不能攻而取之第而思反。自安於較故言三 **互異爲媽媽垣也四在巽上故乘其壙志欲同二而不相應又** 不言同人也 合之至則爭之始同人之中必有不同者在改三四皆爭象而 應三忌五欲起攻之又畏其得位居尊故伏戎於草莽中為暗 以剛居剛故不能反四以剛居柔故困而能反叉三多凶四多 則畏難而止四之所以能反而吉也 5 モーノス

九五同人先號咷而後笑大師克相遇 上九同人于郊无梅 不同又有三四兩屬為之間隔故其先不能相同而號咷號眺 大。九五坎爻爲弓矢下卦離爲甲兵萬物戰乎乾乾亦兵戎象 者悲哭呼叫之聲然以中應中。亦不同而心同心同矣則風雨 號贱笑皆離火聲互巽之口向下亦有號笑之象五與二中正 故稱大師。二至五互姤姤遇也故稱遇克能也雖有三四兩爻 不能變。金石不能愉改其後有相視而笑者矣陽爲大戟亦稱 相應故稱同人。二在內五在外。其位不同二 乾爲郊。上 之阻隔而彼此同心終龍用剛强之力。去其梗塞而相遇也。 主义之上 |九遠地故稱郊。上九之陽亦欲求二而與之同然 一用柔五用剛其迹 是「

		悔	夫為伍战同人於郊蓋因地位所隔"不附聲華亦無二己遠勢不能同獨處无位之地在寬閒寂寞之鄉"
			*亦無爭奪故无 是 之鄉與野老農

大有元亨 歸之陽爲大五陽皆爲所有故名大有也老子曰天下之物生 如夏令火王在天萬物盛茂亦大有之象卦畫一陰居尊羣陽 於有有生於無六五中虛而主一卦無所有故無所不有也天 六五體離應乾以柔爻而居尊位以坤爻而有乾元故元陰陽 體虛也而風雲日月雨露雷霆咸在焉心體虛也而思惟知覺 所不照大百之象。天上有火其大可知。日麗天中所有畢見又 大有有者大也

包容豐盛之義離

火在乾天之上

文明及遠無 1骸五官成繫焉故君子虚心以接物則物無不容學者虚心 求理則理無不獲王侯虛心以求賢則賢無不至皆此道也

初九无交害匪咎艱則无咎 质 誕之流不得語於君子之道也匪告者原利之情无咎者教 得交於人者。益當勉於己不可自就逸樂而已此所以隱士 地不得以此爲初咎也故匪咎然初亦必艱難乃得无咎葢不 六五一陰爲卦之主五陽皆爲所有二五相應三五同功四承 乎五世无交而害然初居下无位非不欲交特格於勢而限於 五六乘五獨初九。距五遠而不相應,中又隔於三陽不能上交 則天下所有皆爲之有不自用則天下賢才皆爲之用故能 交通文明剛健故亨。六五冲虛不自滿假而明照天下。不自 元而出庶物之上。致亨而通天下之情也 泪 《卷上 放

九三公用享于天子小人弗克 ヨ 足以上載六五運行天下以致大有之盛也乾行健故有攸 然必獻諸天子。不敢自私。此諸侯朝獻天子之象陽爲實乾爲 卦之中。行地道之上以剛之質又集眾剛以會於中。材美且 五虛心以託二二種實德以承五任重致遠攸往咸宜雖不得 良馬爲金爲玉皆庭實也五照以雕之明,接以兒之說故受其 三外公之位天子指五三居下卦之上為 正可以无咎 享公受命於天子。公所有皆天子所有。公不得以自有也公惟 二大車以載有攸往无咎 一正應五五據大有之盛非大車不能載也或爲大車二 主一人多上 方之主振其大有。 E.

六五厥学交如威如吉 九四匪其彭无咎 **曆分得眾遇君然四本陰位叉體乾德志在承五匪敢據爲己** 尊顯之公用是以朝天子。小人何以堪此故小人弗能用也 **貽殃者**哉。 以上下相安可以无待若夫上無明主有不以位高招謗勢盛 彭盛貌九四以剛臣承柔君而又下據同類之三陽疑於專權 字於眾**屬**爲厥字也兒有字象。虛中接下。愛士親民。上下相念 有九五明哲之君辨之最晰知其盛皆五之盛而匪四之盛是 不自有故能分天子之所有以爲有也此爻取象者大惟剛健 六五以一陰字眾陽。而眾陽亦字之**故厥字。字於一爻爲有字**。 7

上九自天祐之吉无不利 司 矣。離爲日冬日可愛交如之象夏日可畏威如之象。 其位五能承而尊之故上助五而成大有之功五以下諸爻應 上爻天位下四爻以陽承陰獨此爻以陽乘陰。本有賢德不居 視儼然人望而畏之也交如者親之如父母威如者尊之如帝 畏之君德自柔也接其光者莫不欽之故只正其衣冠尊其贈 **照遠赫已無爲可威可象故威如火體本虛也觀其餘者莫不** 為人則以上一爻應為天施人助而天叉祐之故吉無不利此 五之吉而言於上者。上之時大有之成也且必尊賢而後成 天交如者不言而信也威如者不怒而民威於斧鉞也言可知 **交結不散的交如乾稱威雅火烈亦爲威六五柔道居尊明能** 主一人多上 罗

					大有大有之所以吉者實在此爻故於此爻明其義而決其吉
					以於此爻明其義而決其吉

謙亨君子有終 謙爲主故謙則亨也君子謂三三爲人位而值陽爻故稱君子。 謙也卦畫一陽居三不爲物始不居人上并不居二五之正位 卑遜莪。艮爲止。止而不進。有退讓莪能止而順謙之道**又**內止 則無欲無欲則不與人爭。外順則好讓好讓則甘居人下所 成終者莫如艮而萬物致役乎坤故有終書日有其善喪厥義 而得人道之正。亦謙之意以一陽爲眾陰主。而藏於下卦。雖高 天道下濟地道上行天地交陰陽合故亨嘉會所以合禮禮以 而不顯此所以能保其高與。 謙讓也退也至高之山而居地下。高龍下下。謙之象,坤爲順。有 谦坦上 生一ろこ

||六二鳴謙貞吉 初六謙謙君子用涉大川吉 厝 時不可爭先濟難之道不敢驕慢。故用此道以涉川則吉 山在地下為謙初又在山下。故謙而又謙君子不多上人謙自 **陽為謙之主。一以陰承之因三之謙而鳴其謙蓋柔順之德積** 矜其能喪厥功**叉**日不自矜故長。惟謙所以有終也。 於中故鳴於外遜讓出於誠心不由勉爲也故正固而言 成其德也故謙謙君子。互坎爲大川刻在坎前故用號涉川之 有君子之道而初六則退處最下。又本陰爻謙而又謙所以養 三互震爲鳴一承三故鳴謙陽唱則陰和雄鳴則雌應三以一

六四无不利撝謙 適有之本足以招忌而致災若夫恃功騙恣其獲終者鮮矣。 以四從五有讓功於君之美。下則以陰從陽有讓位於賢之心。 六四以陰居陰柔順退遜故无不利媽揮也艮爲手故爲上則 **離同此爻即全卦之主也書曰、汝惟不矜天下莫與汝爭功。此** 大臣以下莫不讓也是以一舉手間揮其謙於上下。而无有違 以尊顯之大臣虛衷若此盈庭之上。无不化之所謂大臣讓則 君子所以克然也故吉夫功名者造物之所情天下之所争我 坎爲勞卦、故勞謙。勞功也事功曰勞陽則有功、故稱勞。九三爲 一卦之主以陽爻而避尊位。有功而能謙成君子有終此與象 **多 主 ₹ 多上**

|六五不富以其鄰利用侵伐无不利 以有家爲富故五之不富能併其鄰而亦同之六五離爻有兵 戈甲冑象目一至上叉互師或利用侵伐以征不服無鐘鼓口 下而不與也故不富陰爻虛爲不富君不以有國爲富則臣不 五柔順謙虛雖居尊位。而自視酸然若不有其富貴所謂有天 避臣退軍三舍此晉君之所以勝也謙受盆滿招損益於征 兵應則勝兵驕則滅趾高者心不固此楚臣之所以敗也以君 侵有鐘鼓日伐本謙德以用兵體大順以征不順故无不利葢 莫能與之爭。

以退為進以柔克剛此兵家之要道也 之時發之。其此意與老子日大國以下小國則取小國小國以 下大國則取大國叉日抗兵相加哀者勝矣叉日不爭故天下 Ì

六鳴謙利用行師征邑國 用行師,用為邑國又下卦為邑上卦為國也能退者可以進能 志而鳴。上應陽而居上不得遂其謙之志而鳴也體師象故利 之極。故不敢遠征。而但征己之邑國也謙六爻有吉无凶有利 无害。全易所罕見也謙之效如此。 二體震爲鳴上以陰應之故鳴謙。一承陽而居下傳遂其謙之 ーフ 11 M. TT

初六鳴豫凶 豫利建侯行師 民樂矣。 **豫和樂也雷出地上通暢和樂歌之象,坤爲順慶爲動動而皆** 象。坤爲眾震長子帥師。行師之象協和萬邦故利建侯師克在 **侯非閪內之君而爲閩外之帥也慶爲侯,坤爲土爲民建侯之** 陽居四上下應之雖不當位得志上行所以豫也。 順豫之道也又順物之性而動物莫不豫亦豫之道也卦畫一 和故利行師又建侯以治內行師以攘外丙安外平則國泰而 一陽上行而得眾有人君之道而四非尊位或非天子而爲諸 一赛典上 身 主 三 発 上

六二介于石不終日貞吉 以三爲界限截然而不越也艮爲石三剛爻故象石六二離爻 滿於中而溢於外此小人得志窮奢極欲之象。有不凶乎。 者不吉也四體夏爲鳥初應之故鳴豫初六陰爻本无可豫又 所誘而又體離之明應慶之起有定識自有定力故見幾而作 四爲豫主二不興應故此爻獨不言豫介猶界也二不接四若 在下位義宜靜守乃因四之豫起而和之四獨與應不勝其樂 陽主喜陰主戚五陰皆非能自豫者隨人而豫故不豫者吉豫 故言日在中故不至終日得中居正安靜自守或介於石如石 不俟終日是以貞吉葢四本不中不正之權臣眾陰皆附而一 之止而不移則不爲權勢所動如石之靜而无欲則不爲榮利

以得陽爲美豫之初以應陽而凶三以承陽而悔而吉反在不 豫而豫故喜悅而誇張孟子曰趙孟之所貴趙孟能賤之立身 獨恬淡寡欲靜極明生。故能見幾於早全身遠害正固致吉世 與相應之六二。蓋不中正而求悅聖人所惡也中正而不求悅 悔矣孟子日如知其非義斯速已矣。去之不速故重悔也凡陰 明猶足改行以遠害也若夫遲週不决牽於欲而去不早又有 无道徒取容悅於人欲无悔得乎然果能知悔。此即一綫之靈 之託足權門倚冰山若泰山者皆欲令知昏之故耳。 聖人所喜也此點邪崇正之意也。 肝誇張也。六三不中正而比於四以陰承陽順而媚之因四之 豆

九四由豫大有得勿疑朋盍簪 **一**、五貞疾恆不死 也順以動故勿疑朋謂眾陰也四以强臣承弱君恐天下疑已 九四、卦之主爻。一卦之陰由此 爲得眾咸歸之故大有得樂人之樂者人亦樂其樂樂與人同 而不敢來。故告以勿疑而勸以何不速來而聚也四居近臣之 无不可得矣互坎為疑疑惑也亦礙也簪速也又聚也盍何不 以人事君故當廣取賢才自分其權所以安民心定民志亦以 位戴國柄而得眾心志雖大行終非盛事夫人臣之義莫大乎 自保其名位也 互坎爲疾坤爲死寢爲反生。故不死寢亦有恆象六五以陰乘 陽以豫。故曰由豫陽稱大叉

上六冥豫成有渝无咎 哥 陰性迷陰爻居上故其豫其昧也尤情樂極則昏故豫終必冥 節而死耳又人有疾則不敢縱欲不縱欲則常不死。下有强臣 以乘問而接政也故貞而致疾所幸者猶得中道不至好樂无 變則不敢縱情於逸豫。故无告此示人改過之法也, 成卦之終也樂極則悲故成有渝渝變也卦之已成則將變矣 則常懷戒心。有戒心則國不亡孟子曰入則無法家拂士出則 无敵國外患者國恆亡五之不死者以負疾故也。 好樂者必繼以憂况六五君道不知憂勤而躭逸樂此强臣所 陽陰陽不和。故正固而疾得中故恆不死犬求甘者必終以苦 易 主 寒 民上 髮

卑。台已從人而不自用、夏東方卦。帝出乎夏萬物隨之而出乃 位東。兒位西。日月出入四時迭運萬物隨之陷時之義也又兌 因澤而動故爲隨兒爲止水水止不動因震之動而動亦爲隨 下於陰而不爲主老子所謂不敢爲天下先故能成器長也震 下於兒之陰寢之一陽又下於二陰其象爲以貴下賤以尊從 水涸而雷乃收聲、凍解而雷始發聲亦隨之象也卦畫慶之陽 随從也**爰**當至猛兄澤至弱以至猛伏於至弱之下。動不自動

随元亨利貞无咎 随三陰三陽乾坤之體乾來交坤。帝出乎夏爲萬物始而九三

少女震長男少女隨長男隨人之義也震動而兒說隨之道也

厝 初九官有渝貞吉出門交有功 故利。一五得正改貞能如是則雖從人可以无告无咎者志在 居中有應體乾之元故元陰陽相通天地氣交。故亨剛柔互濟 不為主故有渝此蓋舍己以從人。非範隨以希世故不失正固 官主也震主器故稱官陽下於陰隨人而動以成卦之主爻而 隨人。非敢求有功但求无咎而已。 出門之象出交於陰故稱交心无私昵擇善而從以剛下柔剛 友而以離羣案居爲憂也。 柔相濟成有功詩日他山之石可以攻玉此君子所以急於求 之道而吉艮爲門寢爲出寢又爲日門爲大逢。成出卦之初爻 **甘** 一一、卷上

六三係丈夫失小子隨有求得利居貞 九四随有獲貞凶有字在道以明何咎 以陰承之故有求而得互異為利市三倍有得之象承陽得正 失初九之小子。舍下就上去小來大改隨有求得四陽爲實二 六三遠初近四四陽爻在上故稱丈夫既係於九四之丈夫則 君子疏矣。 陽在上爲丈夫陰道從一。旣係於初之小子,則失五之丈夫故 疑。故三陰皆稱係也互艮手互巽繩爲係初陽在下爲小子五 故利居貞蓋雖有得於上亦當處以正靜不可範隨而趨利也。 利不可以兩收。小利得則大利去矣发不可以兩交小人親則 六二,其應在五而近於初近則隨之而爲所係係繫也陰性專

九五学于嘉吉 象犬離又有明象四外取信於人。內不失乎已旣明且哲以保 非大臣之漏也故正固而凶然大坎有字象巽風兒澤亦有孚 獲大臣之道當正其誼不謀其利敬其事而後其食四居臣位 同嘉善也天下之主无所爲隨而近承上六以得位之陽下於 其身故有字在道以明如此則上說下順雖官高禄层而疑謗 无位之陰陰陽合總而不恃其尊貴所謂古之賢王好善而忘 九五陽剛中正。一卦之尊哉不言隨而言字。字之取象與九四 不生何咎之有。 之極得君有獲據下之 九四亦互異異爲利市三倍。上而隨五五亦陽交陽實故隨有 異以爲富承君之兌以爲說利重寵深

上六拘係之乃從維之王用享于西山 象王指五。上不在位而志係於王故王用此爻以享於西山隨 係於九五之陽不能離去旣拘而擊之又從而維之隨之極也 兌位西艮爲山故稱西山兌爲口犬坎爲飲食爲鬼神祭享之 互艮手為拘。互巽繩為係。兩係稱維。上本失位而柔弱之至深 之而吉也嘉猶喜也陰陽和而得中故稱嘉。 迎於此者矣。或謂字於嘉指六二言 | 五正應陰陽相和故字 勢也五自有其實德以信於上六非日隨之翼以孚之非孚於 卦皆以随人為義隨之極則及乎鬼神矣。文王為西山諸侯得 人實孚於善書云德無常師主善爲師。不言隨而隨道之言无人實孚於善書云德無常師主善爲師。不言隨而隨道之言无 享其境内之山。然諸侯聽命於天子故紂用文正以享之也時

			心而用其道也。 文王拘於羑里困窮之至而心在王室緒繫不解深望村鑒其
			王室結繫不解深望村鑒其

盈元亨利涉大川先甲|||日後甲|||日 兌少女犬坎中男犬離中女六子俱見而父母之象反隱此事 老不任事而子代之也。上卦艮少男。下卦巽長女互震長男互 止於上菜入於下。乾坤之體旣壞陰陽失位剛柔不接猶父母 而止其亂治蠱之道也卦實三陰三陽乾坤之象即父母象剛 物皆撓亂盛之象以長女下於少男藏亂其情亦蠱之象巽入 子代父以治子之事即父之事。六子體乾坤以出其功即乾坤 之功而二五相應中有乾元故元飢之極治之始亦元之義上 已壞極子起以治故爻取象於幹父母之蠱也。 熙扆也又事也最而後飭之所以有事也 風在山下。遇山而囘

首也盛之時除舊更新飢極始治故用用,用東方計有互慶即 復治當有爲以救其失故利於濟難也先甲後甲者有事必然 顧後應之周而備之遠也先三日者行事之先前期示戒猶周 下交陰陽通故享犬坎為大川乘巽木以徙故利涉大川壤極 之象異爲進退故稱先後治飢必須詳審先後三日所以贈前 東方之甲也慶爲長子足以代父任事故取象於甲先後進退 作詣正先後三日之道犬離爲日三日者上下各三爻也甲前 周禮所謂挾日而飲之也觀盤庚三篇**遷之**先作誥遷之後復 禮所謂前期羣吏戒眾庶也後三日者行事之後復致丁盅猶 日所謂外事用剛內事用柔也盡者事也故須筮日甲十十十 三日辛壬癸甲後三日乙丙丁。惟戊已土不見蓋土爲萬物公

初六幹父之靈有子考无咎厲終吉 九二幹母之蠱不可貞 世。 有爭子則不陷於不義故考无告雖失位危厲而能終言父死 父雖有失。何不顯著而能幹之於微遏其萌芽。可謂有子矣父 初六居下以卒上體陰以承陽故幹父之蠱幹正也當蠱之始。 母。土不見而金木水火俱起而有事。土寄王於四季。土無位 有知可以无恸矣幹蠱非吉道而初爻獨吉者幹其蠱於未形 稱考。初能繼父之志而彌縫其失幹之於人所不見之地九原 春夏秋冬各有成功子代父以治事固自然之象典。 九二陽居陰位處內得中。故幹母之蠱父在外母在內在外則

周 其失顯在內則其失隱故救母之過當委曲權變有不容以正

道匡拂者战不可真孟子曰凱風親之過小者也小弁親之過 大香也犬失身等於失國何以謂小。小非細之謂也小隱也凱 諷諭言情而不言理此即幹母之蠱不可貞也若小弁則父之 風之母有過隱於門內所謂中冓之言不可道也故其詩婉轉 過顯於天下故顯以正道爭之。

九三幹父之蠱小有悔无大咎 急故小有梅耳兒為小然救父於不義不謂之孝得乎雖小有 九三陽居陽位互震又爲長子。故幹父之蠱惟過剛不中失於 悔終无大告。

天四裕父之蠱往見吝

六五幹父之蠱用譽 **蟲而反裕之裕寬也性柔才弱不能起而正之故往則見吝幹** 安得爲孝四之稻固不及三之幹也。 濟之義三不中而過剛故悔。四不中而過柔故吝然從父之令 **蠱之道不激不隨偏剛偏柔皆非中道初二五上皆有剛柔互** 蓋前人之愆故用譽孝經云立身揚名以顯父母孝之終也蓋 已有美名父母亦有合間如舜禹幹父之蠱至尊爲天子之父 而以配天其用譽也大矣傅曰過則歸己善則歸親謂父有歸 之才柔則能順以將事又有中德而居顯位故聲稱廣播足以 六五柔居剛位得中用事而上承陽故幹父之蟲剛則有幹蟲 六四進至外卦。宜幹父蠱而陰居陰位柔懦因循不能幹父之

九不事王侯高尚其事 致譽之道不必指二旦二多譽非二卽譽也。 也進也天下有治事之人,則不可无高隱之人。治事者所以理 並已之幹亦不見幹蠱之道斯爲至矣互兒爲口有譽象。 超然物表事其所事而非王侯之所能屈所謂天子不得臣諸 王指五侯指三。上乘五而不下。又與三兩剛而不相應且在位 候不得友也巽爲高艮山之上亦爲高在上位故稱高尚尚上 而已幹之此非人子之所忍言故必至於用譽則父之蠱不 廢政高隱者所以振頹風伯夷之清固與伊尹之任同稱爲即 二多譽五之幹蠱宜用九二之剛以濟之義亦可通然五自有 而體艮止故不事王侯。治蠱之日。羣起有功而上獨不在位

問 臣則潔身自全上在事外。故知非父母之事 父母之事。子無可該君臣以人合為之臣則鞠躬盡瘁。不為之 興起有功於世大矣眾處事之中而治蠱彼處事之外而亦治 人治之矣上不與知可也不言父母而言王侯者父子以天合。 也而光塗軒冕志干青雲其效至於立懦廉頭百世之下聞風 易 生《送上

臨元亨利貞至于八月有凶 刮 **臨剛浸而長。一五相應體乾元而爲物始故元陽來通陰故烹** 由復而臨陽氣方長出臨四陰勢極盛大叉全卦象震萬物出 眾可知故為師水聚於地中其大可知故為臨邽畫陽息至一 有水比地上有澤萃。地中有水師地中有澤臨水行於地中,其 **充聚於中盛大之象又懌上有地岸也岸與澤又有臨近之象** 震而動亦臨之象說而順臨之道也 天下之物惟地與水最相臨近亦惟地與水最爲盛大故地上 臨涖也又盛大也惟其盛大。故出而涖之也坤地博厚而兒澤 生一彩的上 一五得正改貞乾有四德臨體乾出治齊功

初九咸臨貞吉 機在一反覆而已故聖人懼之也。 必以貞耆初象君子進身之始學者積德之初必基之以正固 丑月觀建酉月。臨八閱月而至觀臨則陽長觀則陽消消長之 至於陰陰盛則陽衰。故有凶八爲陰數月者陰象陽極生陰盛 乾盛之極也八月者自本爻起歷七復至本爻八則過本爻而 澤有感象陽應陰亦感象臨陽長陰消故初二兩陽皆吉而初 初應四以陽下陰故咸臨咸威也陽氣方盛得正有應故貞吉。 故於盛時而慮其衰於長時而知其消叉臨觀二卦相反臨建 極必衰天道之常改當戒也至於者未至防其至也物忌太盛 也

六三甘臨无攸利旣憂之无咎 九二咸臨吉无不利 之時也。 樂於一 九二應五以陽下陰故咸臨陽氣浸盛得中有應故吉無不利 **兒口食之甘臨之象。犬盛極則將衰。君子所懼。三處臨卦之中。** 六三陰柔居兒之上。兒爲悅故甘臨又坤土味甘震稼穡亦甘。 時來不敢放縱自恣矣。故无咎此卽孟子所云死於安樂生於 憂之。互寰爲恐懼憂之象。憂則知盛大之不可恃恐凶咎之有 **值盛大之世不以爲懼而以爲說不中不正以陰乘陽延知快** 二己出而在位。在君子爲得志行權之日。在學者爲德成名立 一時必无攸利也甘過則苦必至喜過則憂必生故旣而 111 - 222 - 1

六四至臨无咎 **六五知臨大君之宜吉** 於初象岸之有基址所以養澤之勢培澤之源以致其盛大也 兼天下之聰明閘門明目好問察言舜之所以爲大智也故知 **故至臨雖陰柔不中而亦无咎。一說至者鳥飛自上而極於地** 也四在上而應和至之象 六五、離爻、離明爲智居尊位爲大君以陰居尊而得中道能下 四在外卦之下。至近於潛澤之盛以地之能容四居坤下而應 憂患之意 隔大君之道宜如此而吉也**善**只自用則小五不自用所以同 用九二之陽虛懷忘勢順而聽之。人主惟不自用其聰明故能 扫一人卷上

			7	,					
周			!	溱	土	坤	上六	之	大
易				得所	土爲岸土愈屬岸愈固則澤愈盛土積至上。高之至厚之極矣	土敦	上六敦臨吉无咎	之象同。	大其以陰爻而稱大者以陰而用陽則陽爲其所有
进				聚而	土命	厚。家	吉元		陰爻
注一卷上				愈出	層	神グ	咎		而
F				一類	厅愈	一般			大
:				有所	间 則	改			百
	į			積而	澤愈	臨難			陰而
1				愈士	盛	遠公			用帽
			}	此	積	人	<u> </u> 		則
				上六	主上	亦 吉	<u> </u> 		爲
*				之師	高之	而无			其
				以	至	答 答			有
				世也。	厚之	净之			巴與
					極矣	聚以	! ! !		也與大有

觀盥而不薦有孚顯若 陽衰本不能有所作爲所幸剛居中正下止羣陰不使之進當 象人而順之觀之道也又巽爲命令,坤爲民觀乎民而爲命合。 有仰觀意巽為進退不果又有觀望意卦畫一陽在上四陰在 故觀。命令所有眾民仰之亦觀也大體爲艮艮爲止止而示之 觀示也亦ഡ也巽風行於坤地之上。周循歷寬無所不遍觀之 飲食有祭祀之象艮爲丟故稱盥盥以水沃丟將以事神也坤 示人

古莫大乎

禮

禮

真

重

乎

祭

艮

爲

廟

闕

尤

五

大

文

爲

鬼

龍

爲 莊敬赫點有以示之而使之化此觀之微意也 下。陽剛居真觀示天下。而羣陰又仰而觀之也陰消至四陰盛 題 異 地 上下

生 学会上

辛

初六童觀小人无咎君子吝 獻熟精氣已通鬼神已格今陰消至四陰陽否隔精氣未通不 爲牛故稱薦薦羞牲也巽爲不果又遇艮止故不薦薦者獻腥 時靡有爭此之謂與。 故有学願若尤五中實故有学。巽有学象願若者願願然嚴正 **者童子之觀睇於近而忽於遠,有所覩而无所知也。小人陰類** 心歛而不肆其神凝而不及誠敬方殷足以風神人而学上下 可言薦。故盥之後未薦之時當積誠以通之蓋當祭祀之初其 艮爲少男。初在下尤屣故童距陽獨遠視而不見故童觀童觀 之貌有威可畏有儀可象則下觀而自化也商碩日奏假無言 君子陽類陰柔在下。小人之道故无咎若君子則吝矣。小人民 主一人元

六二闚觀利女貞 六三觀我生進退 之。此女子之道也成利女貞若丈夫則可醜矣。 知百姓則可若君子則當行而著習而察由而知其道矣 乎君先下觀乎民故觀我生互巽為進退三居上下之際故進生羣生民也三居下卦之上公卿之位下二陰其民也欲上觀 居陰位欲觀九五。而柔弱在內不能出而相見僅於門內閱觀 進退之道示諸民也 艮爲門闕坤爲闖戸六二雕爻爲目故闚觀闕隱而視之也陰 退觀民之秀者進之。觀民之莠者退之。觀乎民以爲進退即以 之象氓之蚩蚩本无知覺所謂民可使由不可使知也日用不 ラ モージャト

六四觀園之光利用賓于王

賢人者邦家之光也四承赐得君不自喜其進而以賢人進爲 坤爲國上卦亦爲國王謂五四大臣之位大臣事君首務進賢 不以賢人自私而升諸公室赫順之至此諸侯貢士之象不言 國求材。以揚盛典。故觀國之光。舉以薦於天子故利用賓於王

之輝光而願仕進於朝義亦可通 臣而言賓者道義之士接以賓禮且當初進不欲屈以臣道小 雅之詠嘉寶周官之言寶興皆敬之也。一說四最近五親見國

九五觀我生君子无咎 九五陽居尊位眾陰皆其民生故觀我生謂民爲我生者萬物 體之義陰本生於陽民固生於君也六三之我生指一國言

上九觀其生君子无咎 有以觀示天下。而止羣陰之長。故君子居之可以无咎陽爲君 下。无位者以德業行義觀示天下也 **德五在位故觀我生。上无位故觀其生。在位者以德政觀示天** 止其長戏觀其生君子居之可以无咎其指五。上與五同有剛 上九不在位而與九五同德當陰長之時。一陽僅存必合力以 之,九五之我生指天下言之陽氣浸消。本宜有咎而剛正居首 易 庄 **《** 卷上

三噬嗑震下

噬嗑亨利用獄 陽噬嗑之象。動而明所以能去小人而合天下。噬嗑之道也 象也叉萬物相見乎離離日在上萬物相見有噬之象震雷奮 於下而繫之。有噬之躬雷電同體相資爲用以通營塞而交陰 **齧而去之離雕也震動也物麗於口間而以下齒震動之噬嗑 象輔頰:一三五象上下齒,九四在中象物,九四不中不正故須** 剛爻頤中有物之象頤中有物必齧之則得合故爲噬嗑上初 **噬齧也嗑台也卦畫上下二剛外實中虛頤之象虛之中藏**

陰陽交間阻去而上下合故亨。口有間隔不正之物去之而後

口台天下有奸邪不正之人。去之而後天下合故世有梗化者

11120/11

坎為獄互艮為丟故用獄獄者園土以居罪人。 意 欲則刑罰清下之人止而不犯則風俗正此又刑期無刑之微 威惟畏德明惟明所以利用獄也又互艮為止上之人止而無 則政不下逮朝有讒侫者則情不上 止天下之邪也離之明足以斷獄震之威足以折獄呂刑日 弹 **尤四一爻象圜土中之罪人用獄所以噬去一人之邪即以** |通此噬嗑之所以亨也| 一初兩陽象覺

初九屢校滅趾无咎 校之象震爲足趾之象初在下亦趾之象沒於坎下故屢校滅 機員也校木械也趾足也。互坎為堅木為刑校之象離槁木亦

趾滅没也買械足上械大而隱没其趾也凡過必始於微而後

六二噬属滅鼻无咎 人而不行是不得行其惡也是以无咎震起而遇艮止亦滅趾 卦名遊啞象取刑獄刑獄與筮物象相似而義相通初上在日 滅炎炎奈何萌芽不伐且折斧柯可不懼哉 小不制則至於大。大不制則至於不可制矣。金人銘日燒燒 不行之象學者遏欲之法。止之於微王者除亂之道防之於早。 至於汽刑必始於輕而後至於重初罪小刑輕懲之所以大戒 如一身初足上首中間則骨與肉四爻在中而剛肉中之骨三 外故不言噬而言刑中四爻在口內故不言刑而言噬也六爻 五近骨之肉。一則近皮之肉也近皮之肉柔而美者日膚。 此可以不進於惡矣故无咎又趾所以行滅之則不得行。小

象人之下齒凡人食物下齒動而上噬故近下齒者先廃以至 柔至近之物乘剛以動用力過猛至掩其鼻此猶去易去之 上、故噬而隱没其鼻也一一極柔之物本屬易盛而下乘初剛初 居柔位而得中。故稱膚互坎為豕。豕之膚也互艮為鼻膚在鼻 人而致有震動之患處之亦非甚善然物噬而後日合邪去而

六三噬脂肉遇毒小吝无咎 後人安雖乘剛遇猛固无咎也

論 前日之內縣於日而成腊凡內陳則氣味或變而爲毒故遇毒 三在膚內爲內離日熯之爲腊離亦爲乾卦互坎爲毒腊肉書 於二而位不中正又互坎險外若和易中藏險毒易而不戒即 語所以有不宿內之戒也三以柔居剛雖若易噬然已少難

六五噬乾肉得黄金貞厲无咎 九四噬乾胏得金矢利艱貞吉 爲梗噬去其邪則反有所得如梗化之人變之則反爲我用。九 射取禽獸容有金镞没於骨中者故噬而得之也堅强者足以 **陽爻爲金。一陽剛直故得金矢。金矢者矢頭之及雜金錫以成** 所傷而口固可以大合也故小吝无咎陰爲小。 四之盛所以吉也然堅不易噬位又不中。故必利於艱難正 離中。則以離火灼之以剛居柔噬不易噬乾肺之象坎爲弓矢 受其害然物在贝必噬之。小人在朝必去之雖遇毒不過小有 而後吉互坎爲險亦艱之象。 肺、肉有骨者離火灼之故乾。一在離下。則以離日爆之四五在

九荷校城耳凶 且至於貞厲是以正小臣易正大臣難正人君則尤難也 无咎凡强梗之在下者易去在上者難去故四必利艱貞而五 爲耳首上荷校校大而厚掩過其耳战滅耳对位卑而屢校自 **坎爲核。離槁木亦爲核。上爲首而居校上荷校之象荷負也坎** 又易於四五居尊位。故家金雕之中爻故稱黃黃爲正色。金三 則縮足不行可无長惡之患滅耳則善言不入怒无改過之由 利且邪惡之中或有至貴之性在一 品以黃爲上黃金喻其貴也噬肉乃得黃金以喻去邪乃得大 五居骨外皮內爲肉在離火中、故乾以柔居剛乾肉之象。噬之 一視之不見其趾。上位高而荷校目下視之不見其耳也滅趾 | 日本名上 一變化間耳故正固危厲

	المسجومين				
周			典	之	淺 故
易				幾皆	小學
注				付 元	是 矣 設 取
注《卷上				育至上記	淺小憋足矣。」三四五居中用事不可以言刑而又各有能改故凶聖人設刑獄所以生人悔愧之心而示以遷善之道初過
				則陷漏	五.居.中 人.
				已深了	用塊之
				介能訓	个可以心而
畫				海上	言 示 以
				乙以上	川 巻 ろ 巻 ク
				盲成	有 道 初
				之	改週

費亨小利有攸往 卦母利有攸生。陰盛之卦。毋不利有攸往。賈陰得位而能承陽。 以亨也六五得中承剛故小利有攸往陽主進陰主退陽盛之 順陽以往或小利也陰主小。小不可以大也至敬無交。大禮 皆被光彩有文飾之象故爲實雕爲日天文也艮爲石地文也 剛柔相飾。陰陽交通故亨。亨者嘉會合禮禮无交不行實之所 不能照遠僅能飾山以成文采而已卦畫陰陽分設錯綜成章 天文在下。地交在上天地二文相飾成賁也又離火止於山下。 **賁飾也。山杏草木百物之所生下有火則照見其上草木品彙** 一黄雕上下 艮下離互卦篡坎五色相炫亦賁之象。文明以止;費之道也

初九賁其趾舍車而徒 以行也互坎爲車。初在車下。不可越而乘之。故舍之而徒。徒、步 用高車駟馬習爲奢侈。初自賁其賁不越禮以求賁此其所以 庶民不可越分以乘大夫之車或徒行也。人果能以禮自飾何 行也震爲行爲大塗徒行之象。禮犬夫賜車馬二爲大夫初爲 初九農交爲趾。在下亦趾象當實之初。故實其趾所以自飾而 過乎交也故小利有攸往。 繁則滅其質華太盛則傷其根光明而遇艮止欲其交不欲其 飾交飾之道固不可大用也互震爲在離爲光明艮爲止文太 可行與凡禮必有所飾好飾則近於奢過奢則失於僣僭則并 而亡之矣。世有僣分逞奢者自以爲榮君子以爲展謂其飾 扫 ||《卷上

六二賈其須 九三賁如濡如豕貞吉 自三至上,互頤。一居其下顏之象。 六二陰系隨入以成飾猶賤者隨主以成體故實其嬌凡儀文 心而反蔑禮也 須鬚也鬚隨頤而動六二隨人而成飾如鬚之附身以爲飾也 之盛。車服侍從皆所必備初言車服一言侍從皆其飾也。一 須媽也與安也陰在下位。故稱媽艮爲小子爲圖寺亦媽之象 山火飾而爲實三居其交散賁如互坎爲水散濡如濡潤也詩 相宣文之美也以飾其言則吐餅温潤以飾其行則譯躬爾 日六轡如焉是也火得水以濟光華而又潤澤陰陽相接文質 主 || || || || Ę

六四賁如皤如白馬翰如匪寇婚媾 四居山下火上。故亦實如皤白也。六四巽爻爲白又實者宋與 於貞者文必合乎禮之正若失正道而取悅於人安得吉哉。 於三而不遽進然陰陽相合實匪寇而婚媾也內卦實之體外 安战禮飾已成猶徐徐不進也。坎爲寇初正應四爲婚媾雖礙 擬議之詞亦徘徊之象。六四陰柔從初則畏險遠乘三則有不 象白互震為馬互坎亦為馬四居三上故白馬翰如翰高也如 素相飾而成下卦雕火爲采色。上卦艮山爲素色故上三爻皆 **卦賈之用婚姻夫婦之禮聘賢君臣之禮皆賈之大者物不可** 以苟合故飾夫婦君臣尤懼苟合也 無暴慢鄙悖之識而無敢侮慢之者故豕貞而吉也吉必本

上九白賁无咎 六五賁於丘園來帛戔戔吝終吉 性吝嗇故少。艮爲小亦少意、六五得中,而承上九之陽上不在 也 位如賢人之在野故以東帛聘於邱園詩所稱素絲紕之是其 而有質虛衷求賢邱園生色雖禮儀惜其儉嗇而以誠意相求 象也賢者邦家之光聘賢者禮文之美。六五履中蹈和之君。 爲東五匹爲一東爻在五故用五匹又三玄二纁爲一 爻外"一陰三陽"一櫄三玄之象"五居尊以用之也戔戔少貌陰 艮爲山爲果藏互震爲木爲竹故象邱園坤爻爲帛艮手轉之 不以虛文相炫故各而終吉賢者固可以誠求而不可以貨取 主一人 一束自五

		_		,						
		1						1	ı	iŧ
B i		-							- hc.	<u>, 2</u> 1
		i	1 		!			プリ	買	
		Į			}		ĺ	孩	-	H
		ĺ	}			<u>'</u>				九貞
	- [1		-			浮	<u>_</u>	貝厂
	1				ł			莊	部:	7
1	1	1	ļ]			1	1 €		级
	l I				}			193		終絢爛
	İ				Ì	! !		25	繒	網》
	İ							Ħ	3	HE A
								温		MATU I
1				ļ	:	ļ :		得		Z+
	1		1	}		}		於	事	瓶
		1				! .			344	
			1					Щ	仅	上町
		1		}				林	湯	於
		ĺ		-				-4		不
		ĺ	Ì		1	ļ			اوليا	4
il i		ļ	j	1		ļ		9	賞	殺」
	ĺ	ŀ		i I				足件	松	出
	į	!	ŀ					亚		#
		t			1			天	ן נותן י	又
				1] 		AT.		扳
	-			1	ļ			岦		EF
		j			ļ			נות	貝	月
				1				亦	之	文目
}								±	市	HE T
	İ		İ		}			넱		型Ⅱ
					<u> </u>			省	也	mj 📗
					}			ָ ^ס ,	- 12	1 -
	ļ	1	1		<u> </u>				'끝	岩川
			1						同	矢川
	1			 					品	松川
	}		}					•	質考工記曰、繪畫之事後素工、資終而白、質之成也志高品潔。	
İ		1					L		The.	H

剝不利有攸往 三剣地上下 極矣順而止之所以處剝之道也。 在下。一陽在上澤陰消陽已至於五弧陽僅存而不當位剝削 爭則禍愈烈故君子退避靜處。徐待其衰不與小人爭自不為 **衰理不可進叉上止而下順故不可在。凶焰方張之日起與之** 剝陰長陽消陽消將盡故不利有攸往陽主進陰主退陽氣極 而坤地至五。艮僅一陽不足稱山故剝而附於地也卦畫五陰 **刹落也们也艮山出地而高** 小人害所以存善類養元氣以俟一陽之來復也故君子止而 不在即以止小人之侵害也。一陰 反附著於地上,剝之象。山體本空 陽之謂道然陽尊陰卑。 長

馬 六二剝牀以辨蔑貞凶 初六剝牀以足蔑負凶 之情矣。 進陰退自然之理故易準之扶陽抑陰以實天地或謂陰陽 陽爲主順陽則吉消陽則凶觀此卦及復姤夬卦可以見聖 恃民以立足壞則牀將傾矣民離則國將亡矣故蔑負凶蔑猶 列易无扶抑之理者非也蓋陰陽二物而 初六巽爻爲牀。全卦、 失也陰以從陽爲正而消陽是失陰之正道也 爻象多取於牀。初爲足剝屬於始故剝牀以足牀恃足以安國 辨足之上近膝之下。一在初上 **扫** | N 治 | 陽在上華陰在下。上 物、陰者效陽、故以

六三剝之无咎 六四剝牀以膚凶 **六五貫魚以宮人龍无不利** 艮爲膚四在辨上膚之家。陰之消陽已盡下卦而至上卦狀剣 六三在墓陰中。獨應上九之一陽當羣陰剝陽之際失其同類 繼則股肱盡失君欲安居於上得乎。 臣亡則君無助矣辨壞則牀無資矣國之亡也始則兆庶離心 而剝天下事尚可問乎。 之不盡亡者。彼不爲无力焉固君子之所許也。 而歸心於君子。可以无咎此猶胷小中人獨維持乎善類善類 己盡而及於膚災切近身。故凶四爲近臣之位。腹心之任併此 13 // Ab 11

上九碩果不食君子得奧小人剝廬 泥 争不争由於不如。六五柔順得中不惟善事君子。且使妾媵之 故稱宮八五爲君位陰來居之知是事君之宮入也六五得中 利。 承上,皆上所恃以安者三賤而遠故僅无咎五尊而近故无不 鼓之樂陰安而陽亦得安矣。葢孤陽无位反託乎陰三應上五 屬成得依次叠進以其事君子。化乖爭嫉妒之風而有琴瑟鐘 羣陰而受君寵自无不利矣夫陰之道貴乎承陽承陽貴乎不 魚陰物羣陰連類以進質魚之象質穿也艮爲門闕陰居門 艮爲果或陽稱大。碩果者大果也。一陽居上藝陰望之若碩果 居尊爲羣陰之長獨近於上承而事之。上亦得之以安故率領 岩 | 一角上

罔與守邦。上剝下是自失其所載也下剝上是自失其所覆 爲門闕門闕之上有一剛交廬之象。書曰民非后何戴后非民 如自壞其所居之廬廬壞則无所覆陽之喪亦非陰之福也艮 仁之理无處而不存也。坤爲輿上藉下以安陽附陰而存有君 即復卦之始。亦以見天地之間。生生不已。生之道無時而或息 之不及不能食也果中有仁。果不食則仁可復生故剝卦之終。 **段也全卦象頤而下口不合不食之象。又居卦上。止於最高剝** 然孤陽僅存不見滅於陰故不食陰欲滅陽艮以止之不使之 子之德則爲坤民所載而得輿若小人處此則必終喪其陽猶 易 主人公上

復亨出入无疾朋來无咎反復其道七日來復利有攸往 三三復盤下 復陰極生陽陽出通陰故亨出者震動於下陽始出也入者又 之無時或息也。 象也動而以順行復之道也計繼剝陽剝於上則復於下明陽 陽陽自往也往極於上則來反於下。故復卦畫一陽在五陰之 於羣陰之內也陽在下則實在中則坎坎為疾元陽初生不至 復反也還也天地之間。一 於陷而陰咸順之光陰陽不和之患故无疾无疾則生機鬯 其象為地中有電雷於收聲之後初動於地下陽氣方來復之 下。坤陰用事。一陽始生。似已往而還已失而得也震亦爲反生 生一彩光上 一陽氣所充周陽過處即是陰非陰

來於此陽之道固未嘗失也。七爲陽數日爲陽象故言七日漢 自本爻起歷六爻而至於七。復至本爻。一日一爻於此往而復 **意茂矣故无咎爱爲大塗故稱道道路也謂往來之路初九本** 爲心陽大生陰順陽而廣生復者生機之始故利其往也 儒云建亥之月純陰用事至建子之月陽氣始生隔此純陰 **卦。卦:六日七** 日來復之象因七日來復之象故有卦主六日七分之說也剛 陽以陰爲朋陽出而坤陰來助故朋來朋來者以陰費矚則 長而欲進又動而以順行故利有攸往震有往象天地以生物 陽始生之位自此道而往自此道而還故反復其道七日老 一分舉成數言之爲七日不知易有六位故有七

|六二休復吉 六二得中而比於初其地則得陽最早是本良未喪也其時則 爻不在二五中位其象不顯。初爻動則元象顯矣。 **惘然若失。一念復其刻而仁即見矣子日仁遠乎哉我欲仁斯** 自慰察復之於早故无祇悔祇辭也。一陽初生爲復之主有乾 去初最近是所失未遠也故休復休息也。一息而即復也初復 即復其元吉也帝出震復本有乾元而彖不言元者以元在初 仁至矣又曰、一日克已復禮天下歸仁焉不遠而復復其元也 之元故元吉元生氣之始即仁也。人自奪於外誘而秉彝之良 初儿在初最近故不遠而復初者隱微之地,其失未見於外能 之於徽。一則復之於蓍初復之於隱。一則復之於顯天已失而 THE THE MAN TO

六三頻復屬无咎 六四中行獨復 之象也。 見其失矣故亦吉也象傳云下仁。仁指初爻。初爻陽之初善之 復誠不及未失而復者之爲力少而收功多也然能復則亦不 安而行之初之象也或利而行之。一之象也或勉强而行之。 非復之善者然猶不失改過向善之意故雖危而无咎記曰或 至於三其失已顯復之必有甚難而又不中正故頻蹙以復頻 長即仁也,堯舜之性性此揚武之反反此也。 六四行羣隂之中而獨與初爲正應故中行獨復是能從君子 二雖距陽已遠猶在內卦可以因二以求初或頻復頻蹙也位 泊一角上

六五敦復无侮 上六迷復凶有災魯用行師終有大敗以其國君凶至于十年不 復而居尊得中。能自培養以致復焉故无悔敦厚也坤爲土。土 **迷復香迷其所當復也災實怪異也復非所復則人心亡天道** 積至五故敦。 乖怪異見矣。坤爲眾有師象震長子率師。在下无位不能有改 復蓋土之厚耆木自生焉、陰之純者陽自見焉、五不能從初而 五遠於陽宜有悔矣然順而得中能厚自培養以期自復故敦 之道者吉凶不必言也 六處坤之終。甚遠於陽而又失位故迷復凶有災貴坤終爲迷

則變而爲殺殺心盛則生機隱人欲肆則天理亡老子日樂殺 上之凶勢及於五將之凶瀾及於君故以其國君凶十年數之 終時之久也復者善念善念迷則轉而爲惡復者生氣生氣窮 而凶至於十年不能征天道之窮也。 人者不可以得志於天下。貪功而强戰天人之所惡也故大敗 且陰極之性柔懦昏迷故有大敗坤爲國外卦亦爲國君指 扫声名

无妄元亨利貞其匪正有眚不利有攸往 共希望故无望萬物之生根於至實之理毫無虛妄故无妄所 復復盡性之道无妄致命之道 有所希望則妄矣。天下雷行陽氣普偏萬物自然而生无所用 无妄妄虚妄也。一作望謂无所希望也惟无虚妄故无希望也。 物自然之理。原无妄也上乾下震其動以天无妄之道也卦承 **嗣誠者物之終始不誠則无物也卦畫三陽行於上而一陽生** 於下。震爲反生應於上而出於下。象萬物得天之氣而生此造 **援出於下。九五又體乾元以爲生物之本。故元。二五交陰陽通** 故亨。剛柔互濟故利。二五得正。故貞无妄者天道之正若其不 H MALL

初九无妄往吉 也故不利有攸往无妄一卦闡明天命元亨利貞君子所以受 之不可知容有出於常理外者。故匪正有貴震爲行而遇互艮 悉禀自然其或威之有正有不正則有壽天之不同禍福妖难 命匪正有貴君子所以安命不利有攸往君子所以俟命不知 所希望之時,而有希望之心。人欲起而不安天命,非天之所施 正則有災貨蓋乾道變化各正性命天以陰陽五行生育萬物 命無以爲君子易固明示之矣。 之止故不利有攸往且无妄者自然之謂无妄而有往是當无 不可拔之志故无妄此猶受命初生之候無求無欲啼笑皆見 初九陽剛之德初生於下,其上无應而掩於陰有遯世无悶確

| 六三无妄之災或繫之牛行人之得邑人之災 |六二不耕穫不菑畬則利有攸在 田 據初而收其效所謂謀道不謀食禄在其中也如此則利有攸 舉足而有害我無得失之心則中懷坦蕩何所適而不可也 往蓋富貴在天得之有命苟以患得患失之心往跼天蹐地。 不耕穫不菑食六二陰虛中正。本無求富之心。特得位得時遂 乃利耕之而二穫之初菑之而二畬之藉人之力不勞而得故 有耕穫菑畬象又互成盆盆有耕稼象耕而穫菑而畬者常也 **褒爲往統觀一卦不利攸往若初爻則在吉所謂爻以時遷也** 以此道往則吉矣素其位而行不顧乎其外。初之往所以吉也 一歲日萬三歲日畬震爲耒耜爲禾稼互艮爲手,大雕爲牛

九四可貞无咎 周 災乃因失牛而遭詰捕之擾也。 **巽爲繩又爲木以繩繫牛。止於木下。故係之牛。或疑詞。三不中** 九四上不在天下不在人天人之間无所作爲而以陽居陰尚 人不期得而得邑人不期失而失所謂无妄之災三之命也然 爲行。六三陰虛爲失。九四陽實爲得據而有之故牽牛以去行 故或之三八位下卦爲邑,坤爻亦爲邑。邑人指三行人指四。乾 无毗陰毗陽之患以剛應剛、又无係戀故猶可以正固守之雖 不中正而亦无咎。 三惟不中正故致不正之威雖曰天命亦人事也。一說邑人之 |陰柔而不中正故无妄之災大離爲牛。互艮爲手。又爲止百 注一人卷上

九五无妄之疾勿藥有喜 元无妄行有眚无攸利 中子只何以息爭日不辩何以止謗日不爭亦得勿藥之意 九五坎爻為疾互巽風亦為疾巽木、艮石為藥藥象在下故勿 之疾惟勿藥所以有喜詩日肆不殄厥愠亦不隕厥問此文王 反變爲痼疾不可治矣君子義命自守我無取禍之道雖禍至 不治可以自愈苟以无妄之疾而輕試无妄之藥方劑雜投或 藥疾愈爲有喜九五中正自葆本无致疾之道故雖偶遇外邪 之勿藥有喜也公孫碩膚德音不瑕此周公之勿藥有喜也文 而不懼若懼而求解免則必違道而生妄喪其所守矣故无妄 上九不中不正元陽无位命之旣鷄而猶欲前在故有貴无攸 主一人 豆

		人行败以徼倖。行败有何倖焉此无攸利之說也。 利君子不過乎中。不失其和時行則行時止則止安命之中。自
		也。

中之天乃山所畜以興雲雨者也乾健之德以艮止之止之所 **畜君之道,大畜君畜臣之道也,又入之則所畜者小,止之則所** 異畜乾巽陰卦,故曰小。大畜以艮畜乾艮陽卦故曰大。小畜臣 得位。以止下之三陽不使即進以合於上有畜養意乾天在 **遠也卦畫一陽在上而失位。三陽在下而欲進中有二陰居尊** 以畜也如射矢然握愈固則力愈厚。如燉水然遏愈急則勢愈 以裔聚其氣也記云天降時雨山川出雲地秉陰竅於山川山 象天在山中疑無此象不知天之氣無所不在而山體中空足 而不進艮山在上而不下。亦畜養意象與小畜相似惟小畜以 大畜畜聚也養也天在山中。所畜至大之象。易之名卦皆取實

初九有厲利已 大畜利貞不家食吉利涉大 猶之資本。養賢可以濟難養木可用以涉川矣。 在川上、故利涉。一樹十穫者木也。一樹百穫者人也國君養賢 醴。食於天家。吉可知矣或爲大川兒亦有川象體頤有舟象舟 尊承陽上九一陽旣得所尊是以天下向風羣賢畢至笙簧酒 故不家食不家食者賢人不食於家而見養於朝廷也六五居 自三至上互頤有食象。互兌爲口亦有食象。一稱家頤象在外。 初陽方長,其勢欲動而位卑力弱爲六四之陰所止欲進不能。 畜者大也 六五陰居尊位下應陽而上 一承陽剛柔互齊畜之以正故利貞

九二興祝輹 九三良馬逐艱貞日閑輿衞利有攸往 **乾爲良馬逐追奔也陽積至三蓄極欲動其應在上上爲同類** 又得中道可止則止故雖有輿目說其襲而不行也 有可行然陽爻陰位不恃其剛方爲六五之陰所畜不可遽推 乾爲興。互兒爲毀折。故說輹說解也輹車下縛也陽剛之才。自 大商中、乙遇艮山之阻不可以躁妄進故利艱貞閑防也與衞 引之於前而三叉互震爲驚走故一發莫遏而奔逐也然三在 放有危厲其利在於己而不行以養微陽而不犯災也己止也 車徒也。乾爲輿三人位爲衞大離爲戈兵甲胄有輿衞象。日詞 也一作日離爲日乾至於三亦爲終日乾爲惕故日閑輿衞 111 1 2 2 1 1

六四童牛之牿元吉 爲往。乾健之極奮而猛出恐其驚擾里人,故須閑防其車徒安 省夏而輻衡然則童牛之牿所以發其純一之性而以祭天也。 爲堅木在牛之上幣之象。夫君之養賢非第養其身質以養其 雖順猶有角以觸人當角始生而早有以制之故童牛之牿艮 大雕為牛艮為童故稱童牛。指楅衡角著橫木不使觸也牛性 行无擾乃利有攸往也 四之畜賢所以養其純一之德而以事天也書曰領俊尊上 而吉也叉周禮封人凡祭祀飭其牛牲設其福衡魯頌秋而載 於下。四以柔道畜而止之。成就其美防制其惡故能有乾之元 德詩曰周王壽考退不作人。此文王之大畜羣賢也乾陽方生

六五豶豕之牙吉 上九何天之衢亨 其奔跳制而養之故言周禮牛人、凡祭祀其其牛牲之互。然則 天位而食天祿猶養豶豕而以祀神是以吉也。一說去勢日豶 豶豕之互亦以養其性而共祭祀也五居尊位成就人才與其 六五、陰伏陽下。豕之象發小豕也牙ূ垣作互互亦樞衡之屬防 牙即牙齒之牙。豕去勢則不躁動而牙不傷人矣。馬牛、豕、六畜 位而居實艮之上天衝象也何,荷也乾爲首艮爲肩故荷之曾 上九大畜之極而大通矣乾爲天互震爲大塗艮爲路上在天 之屬皆見畜於人者故中三爻取象焉。

		荷天逍通達无礙故亨。
		7.1

頤貞吉觀頤自求口實 養老之道民生在勤故動者養道之始勞則休息故止者養道 道也動於春夏止於秋冬天地所以養物動於日出止於日本 也中互重坤亦有養象。 人物所以養生下動上止有以卑養尊之道始動終止有以少 眾商也頭所以飲食。飲食所以養身。故又訓爲養動而止養之 體外實而中虛頤之象又上覆下承以象輔頻中有四畫以象 頤口旁也上艮下震上下二陽。中含四陰,其用上 始動終止。人道之正,外陽內陰天地之正,六五之陰承上九之 之終萬物出乎震成乎艮震艮者生人之原委即養道之初終 E MAKE 1 一止而下動其

初九舍爾靈龜觀我朶頤凶 人者中四爻、待養於人故求口實以自養也。 養矣。故以正養身則身安以正養心則心存。以正養民則民治。 養道必貴乎貞也觀願者觀其所養也自求口實者自求所養 陽養道之正。故貞吉人受中正以生荷養之不以正則失其所 虚則求實故自求口實又上下兩陽所以養人故觀其所以登 求故无欲无欲故能靈也初以一陽伏艮山下。故象龜潛陽故 也頤之飲食實以養身。願若无所利焉故有養人之象。然身養 大雕爲龜龜介蟲之長靈龜者伏氣不食无求於世香也惟无 稱靈凡陰皆求養於陽卦惟二陽上九之陽眾陰所仰足以養 則頤亦養養人即以自養也故有自養之象。大雕爲目故觀頤 た一戸着し

六二頭頤拂經於丘頤征凶 引 也六二陰爻賴陽以養二與初近而初卑下不足養人故倒頤 凶卦上止而下動。止則无欲動則多貪故下卦皆凶上 自養而求養於人嗜慾深者其天機淺喪其靈明之美質矣故 顛倒也自上 縱欲者可以戒矣 舍爾鹽龜爾謂初也我上自謂也上爲養人之主采頤垂下動 邱之不可即也故於丘頤艮山爲丘二若不能靜守牽於增於 之貌初仰觀上九。若不勝歆羡者貪口腹之欲失本體之明故 求養於上,且又拂頭以卽之無如上九位高不與相值若山 初九之陽眾陰所獲不足養人而足以自養乃體震之動不 一食下則垂其頤自下食上則倒其頤經頸也擴捩

生道窮矣。又六三爲兌爻下卦爲震動而逞欲說以媚人。此陰 韶娟无所不爲求養而不以道則放辟邪侈无所不至丹書 急求其養故拂頤,人受中正以生]二以不中不正求養其生則 邪小人之象。大乖養道故正固而凶至於十年之久。无所可用 求食不合常道故日拂經。 越三四五爻而往從之則失其道矣故征凶舊說經常也願願 欲勝義香凶有應以濟其欲則必凶矣 美獨豫初六與此爻反以應陽而凶蓋求說而不以道則陰險 用則无所利也易道不過十年。十年數之終也陰難以應陽爲 卦凡四陰皆求養於陽而六三不中不正叉恃上九獨與之應 三拂頤貞凶十年勿用无攸利

六五拂經居貞吉不可涉大川 問 八凹頭頤吉虎視耽耽其欲逐逐无咎 上之養故吉大離為視坤為虎艮為山四在山內有虎之象六 欲必不窮乎物。物必不屈乎欲。兩者相持而長是禮之所起也 端重週物必先審視不輕取食其欲攸遠不遽逞也故无咎夫 **则巽爻風從虎也耽耽視貌逐逐遠貌虎雖需物以養而威嚴 與以求養於上上雖與四稍遠而四本無欲不急求養終能受 故禮者養也**欲不逞而得養何所咎乎。 飲食人之大欲也聖人不禁人之欲而有以節之故荀子曰使 六四居陰則靜得位則正體艮則止與初爲應初不能養故顚 八五求養於上九故拂經拂捩其頭以仰上 庄一人卷上 一也。陰柔得 华上

能養人、而求養於人。不合常道也卦外實中虛。有舟楫象。而才 過高无位不無危厲而亦吉也出坤迷之外則知所向居艮止 九由頤厲吉利涉大川 需上以濟柔主不可無良輔弼也 本柔弱叉當坤迷之極居艮止之下。故居貞則吉而無才濟 静止順以承陽。正以待養故居貞吉舊說經常也五以尊位。 濟大川用汝作舟楫。上九之謂也詩曰人涉卬否叩須我友。言 不可涉大川也五雖居尊位而不能自養需上以養不能自 一九爲頤之主以上養下。以陽養陰天下需此以養故由頤雖 終則无所阻叉本剛健之才。足以濟險故利涉大川。書日

大過棟橈利有攸往亨 大過叉越則相失。一五皆陰。兩不相遇故小過。一五皆陽兩不 陽不台中道與小過同而小過陰多及陽陰又據二五之位以 之上故爲大過卦畫二陰在外。四陽在內以陰包陽陰越過乎 棟屋之脊礦也橈曲折也巽爲木巽又橈萬物兌爲毀折巽木 相遇故大過能異而說處大過之道也 陰爲主故小過犬過陽多於陰陽又據二五之位以陽爲主故 陽之外。故過陽盛於內。上下二陰不勝其重故稱大過陰越於 大過過越也又失也差也異木在下兒澤在上少澤而越乎木 而毀故棟橈叉上缺下斷象木去兩端以為棟而中有四陽

初六鸈用白茅无咎 乃亨也 將誰屬乎又大過陽閉於中。陽死之象宜速往以救之故必往 往巽風有往之象內巽而外說有往之道往則陰陽通而亨矣 **矯揉亦棟僥象陽氣在內而盛鬱而欲發陽利於進故利有攸** 陰不勝其重故撓。全卦又似大坎坎堅木為棟坎又爲陷又爲 **秋居下奉上以柔承剛藉用白茅之象巽木爲茅。又爲白茅象** 也苟大過之世无以圖大過之功舉世畏難而苟安則天下事 而豪傑方乘時以立功名。任愈重則才愈出事愈難則功愈大 有非常之事。然後有非常之功。故才力淺薄者臨艱鉅則退沮 其柔白象其潔茅之爲物雖萬而有貴重之物將置於地先以

九二枯楊生稊老夫得其女妻无不利 過於內而滅於澤或枯陽得中道下乘初陰陰陽相交可以死 先爲茅之藉也 後可以追用行諸葛之謹慎而後可以安蜀故欲為棟之支必 巡省大事之卦。古來任大事者必基以小心有文王之小心而 茅藉之

庶可無損

小心傾重之

至也

故雖

失位

可以

无咎蓋

大 雖己過時而陰陽相與足以生育故无不利。 異爻為女二據和故得其女妻女妻者得未婚之女以爲妻也 而復生故生稀飛芽也陽為夫陰為妻九二體或為老夫。初六 巽爲柔木而近於澤故象楊楊近水之木也當大過之時。生機 二棟橈凶

九四棟隆吉有宅吝 燒而凶。卦以二陰過四陽初陰在下承陽上陰在上乘陽所以 滅陽者上六之過三自下而應之欲相輔以有功必不能矣兌 又爲毀折三棟雖堅而遇毀所以橈也 四出下卦而至上卦隆然特起其應在初初在下不能害四而 全卦象棟。三四居中故稱棟三應在上兌澤盛大 又體巽以承陽故四不橈而隆隆厚也重也國語日不厚其棟 不能任重重莫如國棟莫如德隆則足以任重矣故吉四既 雖隆厚可以兼撐上下乎異為進退有宅之象 **槜乎下。若再上扶乎上則爲有宅而吝。大厦非一** 枯楊生華老婦得其士夫无咎无書 注一《卷上

一六過涉滅頂凶无咎 爲毀折亦滅頂象上六陰柔无才而處大過之極時无可爲謂 兌爲澤。上當大過之終故過涉、乾爲首澤在首上故滅頂兌又 陰陰不可以過陽夫老妻少則可生妻老夫少則不生也无咎 无譽者僅能无咎而已固无得而稱也 乘陰故夫得妻上乘五以陰乘陽故妻得夫。士夫者得未婚之 復枯不可以久故救過之道務內不務外。爲其實不爲其華也 人以為夫也雖過時而相合然亦不成生育之功蓋陽可以過 陽爲夫陰爲妻上六陰在上而長羣陽有者婦象二乘初以陽 華 故枯楊生華 几木生芽則生可久華 雕燦爛於一時華落則 五剛中。上 一承上六之陰陰陽相合亦有復生之道。木在

				无可避甘罹其凶此殺身成仁之事不可咎也。
--	--	--	--	---------------------

習坎有孚維心亨行有尚 三坎坎上 陷於兩陰之中。水行地中之象。中實者水之體外虛者水之用 **陰麗於重陽之中爲離坎離者天地之交也天地本交特於水** 坤之後天也乾卦中畫之陽陷於重陰之中爲坎坤卦中畫之 也水生於天而行於地坎生於乾而交於塊坎者乾之中子。而 水之爲字亦取諸此水必行於坎陷之中。故名爲坎卦晝一腸 火見其功乾坤本交特於次雕徵其用六子並列而次雕獨為 坎陷也險也。水之象也水剛以柔行陽動陰中。故畫三**以象之** 天地之樞者以其得中氣也 兩坎相襲故習坎純卦八獨坎言習者八卦惟坎險不足言德 当

坎則坎亦一德也君子以險成其才。王公以險固其位皆用險 以時潮汐以候求當失其信也坎一陽居中爲心有實德以通 則實而有信陰在外則虛而能通故水行有漸而性有常消長 者故加習字以明其用也,一五得中以字於陰故有字,陽在內 故特加一 習字。習者兩水觀至。流行之象。坎以流行爲用。能用 於陰雖迹有險阻而心无隔閡故惟心亨。坎中一陽爲誠誠能 中有至誠之性也。人經百險阻而卒底於道者以其中有能誠 動物无遠弗屆所以亨也故水經百險阻而卒至於海者以其 聲色玩好所以便其身者皆足以困其心分而習焉則本心若 之心也心屬陽身屬陰陽者陰之主心者身之君自習染而後 蔽而不見心之陷於身卽一陽陷於二陰之象也書曰道心惟 扫一卷二 九二坎有險求小得 初六智坎入于坎窞凶 坎之下。陷於欲而不能出上居坎之極陷於欲而不能返皆聖 **弩成入於坎窞羽居重淵之下。陷而又陷入於極深不能復出。** 陰柔居重坎之下。故習坎窞坎之深者初六巽爻爲入陰虛象 故凶坎水沉溺象人之有欲坎天地之險欲人心之險也初在 之一陽耳書日允執厥中是之謂也坎爲流水故行習坎亦爲 則進而有功故行有佝佝進也 行互震有行之象學以勤而有獲水以流而不腐坎有實德往 微是之謂也然卒能戰退羣陰而出於坎險者則惟恃此在中 人所不能救也

六三來之坎坎險且枕入于坎窞勿用 虚象窞三伏於外坎之下。又互艮止故入於坎窞位不中正以 上承外卦之坎故險下乘內卦之坎故枕。坎爲堅木互震亦爲 六三在內卦爲來此水未去彼水又至三處兩水之間故坎坎。 流爲江河大川之源可以濫觴雖小而可大之勢基此矣 刚中之德求則有得以居陰位故小有得。一在下卦位卑勢做 陰柔之性居重險之間。止而不能自出不可有所施行故勿用。 木,三爲內卦之首而乘九二之剛故枕之。倚著不安之象也陰 九二陽剛不正而陷陰中故坎有險陽實故得坎以心亨二 象水出於地上猶不能施澤及遠小得之象也雖然涓涓不已 占者得此無所可用也 注 | 第五

六四樽酒簋貮用缶納約自牖終无咎 能通約以達已之誠即以通君之明駁其一隙之靈明而引之 虚故象牖牖所以通明也犬離有明象坎水內頭亦明象誠則 達其誠敬而行燕享之禮矣坎爲信約信也坎爲室艮爲門陰 以文事上以誠不以華樽酒雖蔣簋貳雖少用缶雖樸亦足以 亦缶之象。篡竹器。缶土器簋以缶代之昭其質也應天以實不 爲酒。雭足在下。上有坎酒樽酒之象。一至五瓦頤震獻在中。簋 之象。貳副也。六四重陰故貳坤土為缶離大腹亦爲缶篾仰盂 大道此人臣格君之善法也昔孟子於齊王好色好貨好勇皆 互以木坎堅木為樽,互震蒼筤竹為簋霞主器故有樽簋坎水 不直斥其非而委曲開導以生其悟蓋人方沈獨高論有不能 主一会上 ¥

九五坎不盈臧旣平无咎 積誠悟主故雖險而終无咎也 九五有陽剛之才居上行之地內實外虛故坎不盈得中而无 四居近臣之位柔順得正以承九五之君盡其質實修其懷敬 入,故須循循善誘因其所知而啟其所未知則可以醒其迷矣 矣。九五源遠而流長流行不己故坎中不見其盈高下淺深亦 水之平德之盛也莊子日平爲福有餘爲患九五能平何險之 告之有故學問之至者其意氣必不。天下之治者其民情必至。 偏頗故祗旣平祗解也蓋水不流則盈此盈則彼虧而不能平 足慮乎。武一作坻小邱也互艮為小石則高者亦平之也 无不平。蓋惟不盈故能平。惟平故不盈如此則化險爲平矣何

틧 一六係用敬纆寘于嶯棘一 其凶可知矣初在内。其險在心天理淪亡。心陷於險而不出心 獄外種棘。真於叢棘者入獄之象。三歲者三爻。言其久也周禮 艮皆有木象故稱微纆坎堅多心木為棘震艮亦爲木故叢棘 **象**厥罪維均也。 死之象。上在外,其險在身。窮凶極惡身陷於險而不出身死之 係徽種緬索也三股日徽兩股日糧所以繫縛罪入者震坎離 上六陰柔居險之極而不能出故有久於牢獄之象互艮手爲 |罪三年而含中罪二年而含下罪一年而含三歲而不得免 易 主人学上 一歲不得凶

雕利貞亨畜牝牛吉 心學與。 陰陽之正體以離者乾坤之大用故上經始於乾坤終於坎 下而炎上離根於坤而交乾坤之中女而乾之後天也乾坤 中爻之虛也又火外明而內暗即離卦之外陽內陰也火生於 坎中實誠也離中虛明也於坎離之中。寓誠明之道。此聖人之 肠實象火之著物。其中陰虛象火之流行。惟虛生明離之明以 機**麗也**火之象也火外實內虛故畫二以象之。火之作字亦取 剛 雅離離 柔相濟柔得中而一 111 //// 一得正改利貝陰陽相通萬物並長故

初九履錯然敬之无咎 而吉也。 之道當養成在中之柔德上以事天下以勤民所以常保其位 畜之也、北杏有生生不窮之意重離相繼之象也。亦以喻人君 吉·牛之德可以祭天·牛之功可以利人·謹養之以待用。故吉·禮 坤爲牛。離得坤之中爻爲牝牛。牛有順德牝牛尤順故畜牝牛 必有所藉初者火之所藉也離有萬物相見之象初象日之方 火主禮禮履也故離之初爲履初九震爻亦爲履初言履者火 人君无故不殺牛。周禮牛人掌養國之公牛。離爲人君之象故 出日出而作。萬事粉至故履錯然,大有然象錯然者躁動粉練 之意也禮始於敬初爻又有震懼之象。故敬之敬則心不懈而 沿し、治し

六二黃離元吉 九三日昃之離不鼓缶而歌則大臺之嗟凶 坤之中爻而麗於戟故必正乎地位始足以疑乾元也。 此爻見之故稱黃龍坤凝乾元於此爻顯之故稱元吉坤元吉 理之所由出也天地中和之氣所由聚而發也故地之正色於 六二文明柔順麗於中正處陰之正位而得坤之中氣故黃離 以處難處之事。 在五。此在二香坤純地道故必至乎天位始足以凝乾元離本 元吉凡物必有所麗而地上中正之位是萬物之所由生也萬 敬敬事也敬人則人不犯可以處難處之人敬事則事不敗可 神不馳不患事之紛繁可以避告矣需上之敬敬人也離初之

大。人老為蓋日之將終家人之將老也互兒為口。大次為加憂 也初爲日出] |爲日中。三爲日昃。離爲大腹故爲缶九三艮爻 過方思為晚景之娛忽又悲死期之至興極悲來。故凶人荷中 爲高而亦无死生契關之戚六三則內无得於已外无傳於 明自昭天壤。人之死生常也而其道自在古今。故君子抱道在 故嗟離火主躁故有歌嗟无常之象三不中正而躁動志荒時 爲手故鼓。戰擊也互兒爲日故歌。一至五互大過故大臺陽爲 无所得則死生之威足以擾其天懷不知日之出沒常也而其 九三剛而不中。下卦之日將終。故爲日昃之離昃日西方時 己繼往開來可以生亦可以死不必作達觀之見以得時行樂 存没之悲至晚年而益切。向之强作闊達偷閒轉樂者至此日

儿四突如其來如焚如死如棄如 六五出涕沱若戚嗟若吉 卦之火上又乘互巽之風故焚體大過爲陽死又遇兒缺故死 之上則必欲誅之自作之孽必不可活故焚如死如棄如在 尅火附物而生。物焚而火亦息是以焚則棄矣。 火滅灰飛故棄九四震爻爲木五巽亦爲木火生於木禍發必 正之地而逞剛狠之性為繼位之謀上欺五之陰柔侵奪其位 九四不中正而躁動內卦之明方終突欲起而代之居不中不 不知何往矣。啜其泣矣。嗟何及矣。此其所以凶也 此父死爭立之象。亦弒君之象。天地之所不容故下則无人應 互大坎為水為憂故出涕沱若沱涕親兌為口故戚嗟若威見 主一人岩上

一九王用出征有嘉折首獲匪其醜无答 先王而不以得位爲樂後世人君即位而喜喪次不哀耆後必 位而以為憂可以保其位矣。故吉又離卦重明內卦之明已終 美之功也嘉會所以合禮。火主禮成軍以禮必有功矣或爲首 外卦之明檵作。六五居尊乃嗣王即位之象。故出涕戚嗟悲念 也。六五陰居陽位,以柔乘剛,防四之欺淩故有憂歎之象。居尊 勢高則人畏而不敢犯故王用此剛爻以征不服有嘉者有嘉 離爲兵戈。有出征象。故王用出征。王指五。日在上則明及遠火 離王公乃春秋書即位之義明其得正且示九四之不能奪也 不終故六五悲哀所以爲吉君天下日王君一國日公象傳日 亦爲首互兒爲折首在兌上 放折首折敵人之首也火至·

服矣庶幾可以无咎雖然兵猶火也不戢將自焚上九出征蓋 魁也曹日殲厥渠魁脅從罔治是之謂也嗣王即位不能化及 **廹於不得已然亦僅能无咎而已垂戒深哉** 天下。至於用兵本非吉道然如上九之占亦可以繼前烈光嗣 則不烈故獲匪其醜醜類也禽賊禽王所獲者非其醜類乃其 《注卷上 TT ING/